

432

921

增廣大生要旨

善仲



光緒十年孟秋校鐫

增廣大生要旨

埽葉山房藏版

埽葉山房
督造書



北京中医药大学图书馆版权所有

增廣大生要旨序

大生要旨一書吾邑名宿唐桐園先生
輯以壽世者也書凡五卷合婦科產
科而一之使未生者保生將生者遂生
已生者全生體天地好生之心以生之
不窮生之不息誠哉其為大生也是



書板久漶漫近且失傳又所輯但古
方如新出休寧汪氏產科心法標
各條闕而不備其他家傳秘方無論矣

雲間葉君雅仰窮究刀圭六氣五脈
均有心悟尤念胎產一門母子命懸
呼吸不容稍緩須臾也爰取原書彙



以心法及秘方數則增廣成編錄以
余之謂古來方書如以心思邈千金方
蘇沈良方按籍而稽或格之不下以
故仲景稱醫聖所著方猶待後人參
酌而行之運用在一心一醫法固不殊兵
法也然獨至保產保嬰又不可不遵古



法何則天地生萬物之生而象辨而
養皆亘古及今不變之理無所矯揉
造作於其間但以體之不同感受係異
寒熱溫涼隨方以補攝之要在得手
中和位育而心醫士者苟師心自用庸
術妄投以性命為苦甘試則固是書之



南京中醫藥大學圖書館版權所有
1964

罪人也。顧奈又有說焉。生民詩曰：誕彌厥
月，先生於達。夫物類之生，其不拆不
去，突去害皆是也。何獨於達以之。蓋羊
性善，又跪乳，孝也。至於梟獍之類，雖未
必皆胎生，殲卵生，強頑生，而多異不生
則亦非天地所樂得而生者也。今以人

生也而曰逆產則非順矣曰難產則
易矣究其非順非易之故母亦有性
稟稟而大異於達者與此又天下之生
者皆先慎之勿以醫力之不效而自昧
乎民之初生之幸也是為序

咸豐八年九月瀛門查鍾瀚



北京中醫藥大學圖書館版權所

增廣大生要旨序

言醫之書甚多而莫難於婦人科婦
科醫書亦甚多而莫難於胎產夫婦居
室天地生人自然之理本無所為難也特
以人之賦稟有厚薄強弱之不同血氣有
靈實寒熱之各異醫之者苟非因標達



本竟委窮源審其病之所在酌其藥
之所主而歸於的當鮮有不貽誤者大雅

要旨一書為吾邑唐桐園先生所纂著

鈹板行世已久其中列種子胎前臨盆產

後四門酌選古方緊要皆切而穩簡而明

藥到回春以仰體天地大生之德功莫大焉



惜其版散失無存古婁葉君雅仰仁心好
善夙究岐黃其家世藏婦科胎產諸方
悉至精且當密保命衛生歷驗實有
明徵者因即唐氏所輯而增廣之至保
嬰諸方俱選徑驗必效者而尤莫要於出
痘故以稀痘種痘為最穩種痘之方舊



南京中醫藥大學圖書館版權所有

板亦失雅卿尚須精選續刻以壽世先
以此乞序於余并附刻余所作種痘
序於後余故不揣冒昧謹綴數言以推
廣大生之旨云爾

咸豐八年人日海上翼雲江駕鵬謹識



大生要旨原序

天地之大德曰生人者天地之心也自帝王卿相下逮
介之士編戶之民鈞是人卽鈞是心莫不以好生爲念而
况人之始生兒命所關卽母命所係其所爲維持調護者
更不可不周且詳也往者修善之家刊達生編保產機要
等書世多有之而相沿襲刻未曉醫理其中不無舛誤且
止及臨盆一節而於統前徹後凡得子之道育嬰之方則
缺焉未備有心者每以爲憾同邑唐君桐園儒而醫者也
其先封王父上采公精岐黃術以藥濟人行誼著通志孝
義邑志獨行中尊人仁巖先生余之表母舅也明經碩望



秉鐸白門都人士翕然宗之居鄉居官咸能矜恤單寒至
今猶感道不衰蹟亦具於邑乘君稟承世德學有淵源更
師事邑之名醫王協中先生同遊講貫精通靈素百家今
三折肱矣著有內經註疏傷寒論註疏脈證諸書義博帙
繁劑劑尙需歲月而彙輯大生要旨一編分種子胎前臨
盆產後保嬰五卷參用舊說間出新裁視向來諸本務折
衷於十全而無弊縉紳仁者見而寶之其勲付梓會予荷

天子寵命巡撫黔中赴江蘇

行在所請

訓便假旋里得快讀斯編見其言簡而意該例明而義舉防於

未至拯於將危所附諸方一一斟酌精審在富室固可奉
行卽貧家亦可遵守至荒村僻壤急遽倉皇之際罔不可
檢閱以知保護因以歎是書之用心足補造化所不及而
爲功至鉅且遠也語云不爲良相卽爲良醫君真今之國
手乎播諸遐邇全活必多卽謂能體乾之大生坤之廣生
也可乾隆二十七年喬光烈潤齋氏序



產科心法自序

醫之一道爲司命之司原非容易但能存心濟人博考羣書臨症體察以人性命爲重雖未能有聖賢之學而虛實寒熱表裏陰陽辨釋明白用藥得當自不致於悞人而胎產一科尤宜謹慎守法略一錯悞則胎不保甚至產母亦傷能無怨乎至於產後總屬氣血空虛丹溪先生云雖有他症以未治之此誠千古格言自當遵前賢制方選用斷不可以杜撰悞人如無憂散佛手散生化湯之類千古不磨毋庸苟且每見今人醫產全不合法一味杜撰好奇名爲生化實非生化之意時醫蓋以專誠請來僅以古方施治不特負此一請且恐爲人看輕



不得不搜索枯腸另開方體厚者僥倖得愈設遇體薄者藥而卒以害人深堪痛恨禍必立至至於產後汗出須防元陽外越泄瀉卽防中氣下脫喘急更防惡露上逆此皆產後極忌之處而產後發熱常有之也緣下元空虛陰虛生內熱只須四物湯加童便熱卽退也間有瘀血不行者有經風者有停滯者有蒸乳者各審其因而藥之風感者用歸芎補血之中加黑荆芥一味足矣蓋產時體虛百節開張腠理不固易入易出若表其汗則元陽外越未有不死者也其停滯者只於理脾之藥加穀芽陳皮可矣蓋脾虛則不運化宜用陽藥以助脾溫胃卽運化矣須知產後有邪總宜補中兼消未有



消而不補之理有等初學無傳之輩放胆竟用柴苓羌防
山查神麩之劑似治傷寒之病忘卻產後之身致輕者變
重重者卽死悞人不淺真可畏怕也况中風一症乃血虛
者多內經謂治風先治血血行風自滅張景岳先生師其
意發有非風之論此皆醫平人而言尙謹慎如此而况產
後肝血空虛虛生內風更可知矣夫天地有好生之德吾
儕可不慎重於斯而以人性命爲兒戲哉予每見而憫焉
因產科心法纂選成書此吾數十年來用之效驗悟於心
而應於手且簡而不繁俾產家觀之爲準繩則性命得以
安全醫家一有準繩則舉手無錯悞矣乾隆四十五年休

甯樸齋汪詰序

夫心者身之主也...

心者身之主也...

心者身之主也...

心者身之主也...

心者身之主也...

心者身之主也...

心者身之主也...

心者身之主也...



大生要旨一書爲世所珍久矣顧胎產各症間有未備方
藥者令人不能無憾夫生育一事比戶有之順者固無煩
醫藥設逢險逆刹那之頃兩命所係苟不速爲補救曷能
母子兩全而窮鄉僻壤間延醫動至數里往返俄延鮮不
敗事一爲設想不禁悚然爰集休甯汪樸齋先生名所著
產科心法及家藏胎產各方附列大生要旨中名之曰增
廣大生要旨付諸平民苟家置一編平時習閱則臨期可
按症施治亦未始非生育之一助也猥以謏陋見聞未廣
恐掛漏尙多倘

高明君子有以匡余不逮而

賜教焉幸甚



增廣大生要旨目錄

卷一

種子

論 種子方法 保胎論 女服加味地黃丸 正元

丹 坤厚資生丸 玉鑰啟榮丸 百子建中丸 補

效墨附丸 續嗣降生丹 男服還少丹 大補陰丸

千金種子丹 聚精丸 五子衍宗丸 延年益嗣

丹 寒谷春生丹

卷二

胎前



總論 驗胎 保胎 難產七因 胎前禁忌 胎前

節養六條 受胎保護 小產當慎 補母壽子安胎

飲

惡阻 二陳湯 六君子湯 竹茹湯

胎動不安 安胎飲 補中益氣湯 保胎丸

胎漏 膠艾湯 四物湯 防風黃芩丸 逍遙散

歸脾湯 八珍湯

子煩 犀角散 淡竹葉湯 香砂六君湯

子懸 紫蘇飲

子眩



子疝 人名 四物加芩連姜夏湯 羚羊角散 理中

湯 子瘰 又名子氣 木通散 葵茯苓湯 白朮散

加味五皮飲

子嗽 又名子陰 宜胎飲 瀉白散 六味地黃湯

子瘡

子淋 冬葵子湯 子淋散 安樂散 葵子散

轉胞 三合湯 茯苓升麻湯 八味湯 滋腎丸

臟燥 又名孕悲 清燥湯 大棗湯 竹茹湯

尿血 續斷湯 膠地丸

乳泣



胎不長 異功散 黃芪湯 白朮丸

熱病防損胎 平胃散

妊娠傷寒 香蘇飲

瘧疾

泄瀉 神朮散

痢疾 葛芍湯 香連丸

鬼胎 雄黃丸 斬鬼丹

吐血 加味香蘇飲 加減清胃散

便血

孤漿



悞服傷胎藥

心痛 火龍散 手拈散

胸腹痛 當歸芍藥散

腰痛 青娥丸

子淋固真飲 安胎丸

綉閣保生保產方 大安胎飲 陳皮大半夏湯 抑

青丸 安胎和氣飲 養胎飲 大安胎如聖飲 清

胎萬全飲 束胎調氣飲 順胎和氣飲 滑胎飲

猪脂方

醫方考胎前要法 黃芩白朮考 砂仁葱湯 束胎



飲 達生散 安胃定胎散 保產無憂散 俗名十催
二味方

生諸藥說 痰鼓似胎案

瘦胎不可服辨 滋榮易產方

胎前十八方

卷三

臨盆

總論 六字真言 或問七條 十產論

血滯難產 臨產暈絕 交骨不開 胎死腹中 胞

衣不下 臨產宜忌

臨產方藥 紫酒 佛手散 臨產方 催生神柞飲



又方 八珍湯

難產醫案 加味益母丸 附胎產靈符

卷四

產後

新產宜忌

胞衣不下 失笑散 花蕊石散 牛膝散

血暈氣脫分別施治 清魂散 六君子湯

中風發瘧 愈風散 安神定志丸 歸脾湯 養心

湯

產門不開 生化湯 八珍加味十全湯



北京中醫藥大學圖書館版權所有

心慌自汗 歸姜棗湯 醋炭薰法

惡露不下

血崩 補中益氣湯 瑞蓮散 參附湯

子宮不收 人參乾姜湯 敷藥方 寸金散 又四

方 不語 七珍散 又方 六味地黃湯

發熱 當歸補血湯

乍寒乍熱 愈風散

霍亂

浮腫 胃氣 賦初益母散 洲氣靈丹

蒸乳



乳少 通脈湯 簡易方

乳癰 內吹 神效瓜萸散 五物湯 簡易三方

附餅 逍遙散

狂言譫語 補心丸 定神湯 白金丸 琥珀地黃

丸 又方

心腹諸痛 二香散 理中湯 橘核丸

腹內癰 牡丹皮散 苡仁湯 排膿湯 陳皮葵根

湯 海浮湯

呃逆 橘皮竹茹湯

身痛 古拜散



腰痛 獨活寄生湯 清腰湯

蓐勞 白茯苓散 羊肉湯 人參鱉甲散

喘促

鼻中起黑煤 參蘇飲 貞元飲

舌黑舌枯 獨參湯

咳嗽

產後備方 增損四物湯 補脾飲 金黃芪湯

產後奇病 四物湯

產後二十八症治法 倍參生化湯

五急症治法 十八危症治法 產科醫案



附安胎萬全神應湯

卷五

保嬰

總論 初生去毒 解毒開口法 開口方 先知百

勝散 生下不啼 斷臍裹臍法 臍風撮口論 清

熱順氣湯看臍帶 臍濕不乾 臍突光腫 浴兒法

藏胎衣

初生調護 小兒感冒 初生三急病 口噤 撮口 臍風 天

麻丸 定命丹 珠銀丸 又三方 辰砂膏 急

臍風引



辨臍風 辨胎黃 附揉焦諸穴圖 又四方

遍體無皮 足趾向後 週身發泡 蝦蟇瘡 陰囊

縮腹 陰囊光腫 二便不通 不小便 乳草馬牙

疳 驚口白屑 走馬疳 腮腫齙腫 重舌木舌弄

舌 口角流涎 兩腮腫硬 螳螂子 赤遊丹毒

夜啼 胎黃 胎驚 吐乳 變蒸 疳症 集聖丸

吃泥吃炭 吃生米吃茶葉 溺色 糞色 藥餌

宜慎

急慢驚風 急驚神方

慢驚 蕩驚湯 理中地黃湯 附子理中湯 溫中



補脾湯

四丹說

乾清散

坤靜散

交泰丹

神機丹

魁病

斷乳法

又方

稀痘

元兔丹

稀痘方

六味飲

夏秋冬三月稀

痘

附格言

髻齡培植

新增種痘說



增廣大生要旨卷一

上海唐千頃桐園氏纂著

婁縣葉 瀨雅卿氏增訂

種子

總論

天地網緼萬物化醇男女構精萬物化生此造化自然之理亦無思無為之道也故有人道即有夫婦有夫婦即有子嗣人無不生育猶之山無不草木地無不黍稷然其要在得其養耳得其養則磽者以肥瘠者以沃草木黍稷何懼不蕃不秀乎人苟形質強壯而嗜欲無節久



北京中醫藥大學圖書館版權所有

之不免虛衰豈能宜子稟賦怯薄而攝養有道終焉亦
能完實何患難胎不特少健而老衰早壯而晚憊滋培
保護之間固可以挽秋冬之凋殘而復春夏之花果也
昔名醫羅天益云戊午春桃李始花兩雪厚寸一園叟
令舉家擊拊墮雪焚草於下是年他果蕭然而此園大
熟然則天地之氣尙可以力轉移於人之身豈無所用
其術哉

求嗣之要在乎男精女血充實而無病也故男以補腎爲
要女以調經爲先男子之不足則有精滑精清精冷者
及臨事不堅或流而不射或夢遺頻數或便濁淋澁或

好女色以致陰虛或好僮俊以致陽極或過於強固勝
敗不洽或素患陰疝肝腎乖離此外或以陽衰多寒或
以陰虛多熱若此者是皆男子之病不得盡諉之婦人
雖廣置姬妾徒自戕賊性命終無益也女子之不孕則
大有經之或先或後者有一月兩至者有兩月一至者有
枯絕不通者有頻來不止者有先痛而後行者有先行
而後痛者有淡色黑色紫色者有瘀而爲條爲片者有
精血不充而作白帶白濁者有子宮虛冷而獨陰不成
者有血中伏熱而孤陽不生者有血痕氣痞子藏不收
月水不通者此皆女子之病不能育胎攝胎者也當各



因其病而治之然精血猶爲後天渣滓有形之物而一
點先天真一之靈氣萌於情欲之感者妙合於其間未
子所謂稟於有生之初悟真篇所謂生身受氣初者是
也故能滋腎調經之中而參行氣補氣之法更能養氣
於平時然後一舉而孕天下之男無不父女無不母矣
天地生物必有絪縕之時萬物化生必有樂育之候如猫
犬至微將受妊也其雌必狂呼而奔跳以絪縕樂育之
氣觸之而不能自止此天地之靈氣生化之真機也世
人種子有云三十時辰兩日半二十八九君須算此特
言其大槩耳非的論也丹經云一月祇有一日一日止



有一時凡婦人一月行經一度必有一日細縕之候於

一時辰間氣蒸而熱昏而悶有欲交接不可忍之狀此

的候也於此時順而施之則成胎矣其曰細縕之候乃光

其透簾幃言其景象也當慾情濃動之時子宮內有蓮花

蕊者不拘經淨幾日自然挺生陰內如蓮蕊未開洗浴

下體以手探之自知也但含羞不肯言耳求子丈夫預

密告之令其自言一舉即中矣 蓮蕊之說極効已屢經試驗矣

子嗣有無全在男子而世俗專主婦人此不盡然之論也

易曰坤道其順乎承天而時行夫地之生物不過順承

乎天則知母之生子亦不過順承乎父而已知母之順



承乎父則種子者果可以婦人爲主乎若以婦人爲主
試觀富貴之家侍妾已多其中豈無月水當期而無病
者乎有已經前夫頻頻生育而娶以圖易者顧亦不能
得胎更遣與他人轉盼生男矣豈不能受孕於此而能
受孕於彼乎所以謂子嗣主於男子不拘老少強弱不
拘康甯病患不拘精易泄難泄只須清心寡慾蓋以君
火在心心其君主相火在腎腎其根本也心不清靜則
火由慾動而自心挑腎先心而後腎者以陽爍陰是氣
從乎降而丹田失守已失元陽之本色慾若能寡則腎
足而陽從地起而由腎及心先腎而後心者以水濟火



是氣主乎升而百脈齊到期成化育之真機至有既孕而小產者有產而不育者有育而不壽者有壽而黃耆無疆者皆由男子心之動靜慾之多寡分爲修短耳世人不少察以小產專責之母不育專付之兒壽夭專諉之數不亦謬乎其少年生子多有羸弱慾勤而精薄也老年生子反多強壯者慾少而精全也好飲者子多不育蓋酒性慄悍火毒亂精而濕熱勝也

大寒之後必有陽春天地之道不蠶封則不發育也今人之無子者往往勤於色慾豈知施泄無度陽精必薄縱慾適情真氣乃傷妄欲得子其能孕乎夫男象天主施



女象地主受一施一受其妊始成今其所施全非先天濃郁之氣不過後天澆漓渣滓之物縱使陰受可化而實無陽施之用矣故有心種子者毋傷於思慮毋耗其心神毋意馳於外而內虛毋志傷於內而外駁毋以酒爲色媒毋以藥物助火葆精彙神靜養日久及至陰陽交媾兩神相博其一點先天元真之氣勃勃生育之機卽寓於慾情大動之時萬舉而萬當矣內經云陰平陽秘精神乃治陰陽離決精氣乃絕老子曰必清必靜毋搖爾精人鏡經曰精氣盛則生二男諺云寡慾多男子歷歷名言不特老而無子者當奉爲龜鑑卽壯年難子



者亦須尊爲節符

天地之道祇貴和平太熱則陽亢太寒則陰凝陰凝肅殺
人果知之陽亢消爍人都不察常見世之艱於子嗣者
搆覓傳方希圖種子偶見一人用之而中竟不論已之
宜否而偏聽如神競相製服將宜於彼者竟謂亦宜於
此矣况所編傳種子之方大抵興陽壯熱之品居多甚
至煅煉金石及製取毒穢悍劣諸物炫詭矜奇但助房
中之樂不顧喪身之禍深爲可愍可恨豈知種子之方
本無定軌因人而藥各有其宜凡寒者溫之卽種子也
熱者涼之卽種子也滑者澁之虛者補之去其所偏使



陰陽和平而生化皆種子之法也

種子求嗣之說自古迄今言之不少其以訛傳訛近於春

方採煉者姑置弗論卽如道藏經以月信止後單日屬

陽成男偶日屬陰成女廣嗣訣以經期方止子宮正開

及時布種褚氏遺書以血裏精成男精裏血成女東垣

以經斷一二月感者成男四五月感者成女丹溪以受

氣於左子宮爲男受氣於右子宮爲女聖濟經以左動

成男右動成女諸說紛紛或有近理或有憑虛未免穿

鑿子以一言蔽之曰寡慾則有子蓋寡慾則不妄交合

積氣儲精待時而動亦何求而不得歟然寡慾必先清



心心主血而藏神心有所動神即外馳腎志亦隨之而

內亂歐陽永叔所謂有動乎中必搖其精也輕則夢洩

白淫重則成癰發毒即幸而免其於交會之際毫無靜

一清真之氣所洩之物腐濁而已安能發育長養於其

間哉心為一身之主苟能掃盡邪思自然慾寡神完不

惟多子抑亦多壽養心莫善於寡慾正所謂也一說婦人單歲

雙月受胎雙歲單月受胎必生男子其說頗效合之前篇蓮蕊之說謹守寡慾之戒加以廣積陰功弄璋之慶

可操券而得也

飲食之類雖人之臟氣各有所宜似不必過於拘執惟酒

多者最為不宜蓋胎元先天之氣極宜清楚極宜充實



而酒性淫熱非惟亂性亦且亂精精爲酒亂則濕熱其半真精其半耳精不充實則胎元不固精多濕熱則他日胎毒瘡瘍痘疹驚風脾敗之類率已造端於混沌之初矣故凡求子者必宜先有所慎與其多飲不如少飲少飲不如不飲內遠七情外薄五味大冷大熱辛辣膩滯有毒等物一一戒謹此亦胎元之一大機也

求子交會古有擇吉日良時天德月德及四時旺相避忌丙丁幼幼新書著御女日期諸說似屬迂遠不足憑也然惟天日清明光風霽月時和氣爽之宵自己情思清和精神閒裕不待擇而得天時之正避日月電光之下



五神社并竈之側家樞穢汚之處又得地利之靈兼之以
前所云清心寡慾之人和則得子定然賢智無病而壽
初交之後最宜將息弗復交接致擾其子宮盜泄母陰奪
養胎之氣益淫火一動則搖撼督脈胞門亦由之而不
閉胎始墮矣惟有一月之墮胎則人皆不知有胎但知
不受妊不知其受而墮也此名暗產弗謂我強何虞無
子弗謂年壯縱亦不妨一次旣墮則肝脈受傷他次亦
墮自一而再自再而三隨得隨失猶然莫知今之無子
者大半是一月墮胎非盡不受妊也牝獸無墮胎之患
以牝牡交合有節懷胎之後牡獸不能近身是以交而

必孕孕而必育最善護胎設懷妊而不遠慾即幸不墮生子必脆弱多疾痘疹亦必險逆慎之慎之

附採男女種子中正和平王道數方以便深山窮谷

僻壤無醫者

加味地黃丸 婦人經事不調即非受孕之兆縱使受之

亦不全美此丸主之男子陰虛內熱者亦宜服此

熟地

肆兩

山萸肉

山藥 各貳兩

丹皮

白茯苓

各壹兩半

澤瀉

香附

童便浸叁次炒各壹兩

斷艾

去筋醋炙伍錢男服去附艾

右為未蜜丸桐子大每服七十九丸白滾湯送下

正元丹

調經種子



香附壹劬分開製之酒鹽醋童便各製肆兩烟乾阿膠蛤

炒貳枳殼肆兩壹半生生地酒洗熟地當歸酒洗川芎

肆兩白芍生半炒加白茯苓琥珀治帶

右為末醋糊丸如桐子大每早空心鹽湯下六十九

坤厚資生丸 治經事不調臨期腹痛不能受孕

九製熟地當歸酒蒸各白芍酒炒川芎酒蒸壹丹參

酒蒸芫蔚子肆兩香附肆兩醋酒姜汁白朮肆兩陳

右為末以益母草入兩酒水各半熬膏和煉蜜為丸

每早開水下四錢 如月經先期而至脈數屬血熱

加生地丹皮 後期而至脈遲屬血寒加肉桂 將



行而腹痛是氣滯加烏藥木香 食少氣虛面色

白四肢無力是氣血兩虧方中減香附一半加人參

黃耆茯神棗仁遠志之類

玉鑰啟榮丸 治女子一無他疾經事調勻容顏不損但

久不胎孕

人參 白朮 甘草 茯苓 當歸 川芎 白芍

熟地 沒藥去淨油 藁本 丹皮 赤石脂 延胡索

白芷 白薇以上各貳兩除石脂末藥另研 香附去毛 水醋

浸三日炒乾為細末壹拾伍兩

右共為細末煉蜜為丸空心溫酒下五十九丸如不飲



酒白開水服亦可服後即乾物壓之

百子建中丸

調經養血月事參差服之明年即能孕子

熟地

阿膠

蛤粉炒

蘄艾

去筋梗醋煮乾

川芎

去蘆

當歸

去尾蘆

白芍

酒炒各貳兩

香附

剉兩去毛杵碎水醋各半浸一宿曬炒

右為細末煉蜜丸桐子大每服八十九空以醋少

許點湯下內寒者溫酒下

神效墨附丸

治婦人久不孕經事不調及數墮胎者

香附

拾貳兩去毛杵成米粒分作肆分米泔酒童便醋四物各浸壹分一晝夜足曬乾炒

蘄艾

肆兩

去筋梗用酒二碗同香附一處煮乾石臼內杵爛捻如錢厚大餅子新瓦上炭火焙燥搗磨

白茯苓

人參

去蘆

當歸身

酒浸

川芎

熟地

上徽墨

煨醋碎各壹兩



廣木香 伍錢

右爲末醋和爲丸桐子大每服五十丸空心好酒下

續嗣降生丹 治婦人五臟虛損子宮冷憊不能成孕

當歸 杜仲酒炒 茯神 益智仁 龍骨煨 桂心 吳茱

萸製 乾姜半生半熟 川椒去目 烏藥各壹兩 白芍酒炒 川牛膝酒浸 牛

夏製 防風 秦艸 石菖蒲 北細辛 桔梗各伍錢 附

子一枚重一兩者 臍下作一竅入朱砂參牡蠣大片者 以童便

浸四十九日 每五日一換取出用硫黃壹兩爲末酒和

塗漏用皮紙糊實 米醋浸濕外用鹽泥厚固之候乾用

炭五筋 煨過爲末每料止 用貳兩餘可收貯再用 右爲末以酒煮糯米糊爲丸桐子大用前朱砂爲衣



每服五十九漸增至九十九空心開水或鹽湯溫下

還少丹 治男子命門火衰陽事痿弱精氣不足陽虛症

山藥 牛膝酒浸 遠志肉 山萸肉去核 巴戟去心 白茯苓

五味 石菖蒲 肉苁蓉 楮實 杜仲炒 茴香各兩

熟地壹兩伍錢 枸杞子壹兩伍錢

右為未煉蜜和棗泥丸每服五十九溫酒或鹽湯下

日三服食前服

大補陰丸 治男子相火熾盛內熱遺精尿血

黃柏鹽酒炒 知母鹽酒炒 熟地 龜板去旁酥炙

右為未煉蜜和猪脊髓丸桐子大每服七十九空心



鹽湯下

千金種子丹 治精滑無子及虛損夢遺白濁

沙苑蒺藜

取淨末肆兩再以重羅篩極細末貳兩入藥粗末貳兩用水壹大碗熬膏聽用

煉金色者四兩紅
色敗精不可用
五色者佳伍錢
火煨紅水飛用

山萸肉

叁兩焙乾

覆盆子

貳兩

芡實

肆兩

龍骨

右為末煉蜜止用四兩同蒺藜膏和為丸空心鹽湯

下錢叁

聚精丸 治精薄無子

黃魚鰾膠

切蛤粉炒成珠壹筋

沙蒺藜

刪兩馬乳浸兩宿扁湯蒸一炷香取起焙乾

右為末蜜丸每服八十九空心溫酒下忌食魚及牛



肉若氣虛而精不遠射者以蜜炙黃芪四兩煎膏和

煉蜜搗丸

五子衍宗丸

此藥添精補髓通利腎氣不問下焦虛實

寒熱服之自能平秘乃古今第一種子方也

枸杞子

兔絲子

酒煮

五味子

壹兩

覆盆子

肆兩酒洗去蒂

車前

子

貳兩炒

右爲末煉蜜丸空心服九十九丸臨臥五十丸鹽湯開

水任下冬月溫酒下

延年益嗣丹

生地

熟地

各叁兩

地骨皮

伍兩酒洗

人參

叁兩

天冬

去心酒洗叁兩

麥



冬去心酒白茯苓酒潤何首烏半筋竹刀刮去皮切片
洗參兩五兩置砂鍋內下用烏羊肉
 壹筋馬料豆三合量著水上加筵放首烏
 於筵上復覆蒸一二時候冷取出晒

右其爲末煉蜜爲丸每晨服五十九丸溫酒下

寒谷春生丹 治虛寒年邁陽痿精衰無子

熟地兩制冬朮各陸當歸 枸杞兩杜仲酒炒仙茅酒蒸巴

戟肉甘草湯泡山萸肉 淫羊藿羊脂拌炒韭子炒黃肉蓯蓉酒洗

各肆兩蛇床子微炒製附子各貳肉桂兩

右爲末煉蜜丸淡鹽湯或溫酒下七十九丸或加人參

鹿茸更妙



增廣大生要旨卷二

上海唐千頃桐園氏纂著

婁縣葉灝雅卿氏增訂

胎前

總論

人胎產造化自然之理時至則生不必驚疑而人人不
免驚疑者為未明乎自然之理也呂祖云天生天養不
必着忙造化原不令人小產人多不守禁忌因而小產
造化原不令人難產人多不善調攝因而難產造化原
不令人逆生人多倉皇無主因而逆生小產及難產逆

增廣大生要旨

卷二

婦科



性性命攸關可不慎歟至於穩婆臨產時不可不用斷
不可輕易聽從蓋此輩無書傳授偏執已見胡做亂爲
往往誤事婦人如不識字爲夫者宜於平日將此書常
爲講解令婦熟聞懷孕知調攝臨產有主張并誠穩婆
安靜以待之自無小產難逆之患凡婦人受妊之後常
令樂意忘憂運動氣血安養胎元早當絕去嗜慾節調
飲食內遠七情外避六淫心宜靜而不宜躁體宜動而
不宜逸味宜平而不宜熱食宜煖而不宜寒毋久立毋
久坐毋久臥又宜卻去一切肥甘煎炙油膩辛辣鹹酸
水果魚鱉狐兔鴿雀之類卽無胎漏胎動下血子腫子

癰等症及橫生逆產胎死腹中之患降生之後又無胎
熱胎寒胎肥胎怯胎驚胎黃諸般胎毒先正胎教宜遵
一行之
婦人經期不來已過四五十日或偶見紅而少或脈不應
指疑似之間驗之用川芎爲細末煎艾水調空心服二
錢腹內覺微動則是孕不動者非也或以外象參看如
見食不喜食或惡心而吐或體倦欲臥雖體質平常孕
脈不現只要六脈調和亦當是孕此卽是人病脈不病
但與養血安胎之藥數劑孕脈自現矣

保胎

婦人懷孕卽遷別室另寢常使身心清靜不犯房勞夜睡
須左右轉換使小兒左舒右展肢體活動臨產自然快
便生子亦必聰明少疾

贊育編難產七因

一因安逸婦人懷胎血以養之氣以護之宜時常行動令
氣血周流胞胎舒展若久坐久臥氣血凝滯則必難產
常見田家勞苦之婦其產甚易可證也

一因奉養胎之肥瘦氣通於母恣食厚味多致胎肥難產
常見貧家婦容易生產可證也故產母調攝須以白飯

香蔬略用肉食爲妙



一因淫慾古者婦人有孕卽居側室不其夫寢若有孕而犯之三月以前常致胎動小產三月以後一則胞衣太厚而難產二則子身有白濁而不壽三則子多瘡毒出痘細密難起以致死亡皆由父母慾火所結耳

一因憂疑今人不講生產之理或問禍福於鬼神或用禱求於卜筮或里中有產厄者孕婦聞之則懼懼則氣怯故亦難產

一因嬌怯如少婦初產子戶未開卽便腰曲不伸展轉傾側以致兒不得出又中年婦人生育旣多氣血虛損產亦艱難須胎前服補氣養血之藥調理康健則臨產無

虞婦人稟體素弱者亦同此例

一因倉皇將產之際有等愚蠢穩婆不審正產與轉胎但

見腹痛遽令努力催生產婦聽從以致橫生倒生子母

俱傷

一因乏力臨產用力太早及兒欲出母力已乏停住艱難

須服人參湯接力即產

胎前禁忌

一忌食有毒傷胎諸物

牛 犬 羊 驢 馬 兔 鱔 蟹 蟹 黑魚

鱗魚 無鱗魚 雞肉 雞子 鴨子 雀肉 田鷄



猪頭 猪脚 猪心 猪腦 葱 肝腸 血

胡椒 子薑 芡蔬 香菌 苡仁 蒜 梅子

杏子 地栗 茄子 萵苣 冰漿 漿水粥 生冷

油麪等物 豈醬不可與藿同食 附忌服藥品歌

烏頭附子與天雄 牛黃巴豆並桃仁 芒硝大黃

牡丹桂 牛膝藜蘆茅茜根 槐角紅花及皂角 三

稜莪朮薏苡仁 乾漆藺茹瞿麥穗 半夏南星通草

同 乾姜大蒜馬刀豆 延胡常山麝莫聞 黑丑楨

榔同蘇木 傷胎之藥避其凶 此中有安胎止嘔不

得不用半夏者必用開水泡洗三次以去燥烈之性嘔



止卽去有熱病閉結傷寒傳經入腑而必欲大黃者有中寒於陰必欲姜桂者此卽有病則病當之乃從權也然必不得已而用之不可過劑而藥中亦必有顧胎之味總之胎前有病重在保胎產後有病重在溫補此至穩至當之理

一忌洗浴凡覺受妊不可洗頭不可洗足不可浴身多洗下體則竅開胎易墮初受胎及臨月尤宜禁戒關係非

小

飲食宜淡泊不宜濃厚宜清虛不宜重濁宜和平不宜寒熱但富貴之家肥甘悅口抑令崇儉勢必不能酌其所

上開後

蓮心

松子

熟藕

山藥

芡實

鱖魚

鴨

鱸魚

海參

猪脂猪腰肺

麻油

淡菜

腐衣

笋

弗多飲酒弗亂服藥

一切宰殺兇惡之事不宜看脩造立木不宜看龜兔怪異

諸物俱不可見

胎前節養六條

每見產後絕症隨產隨脫無計可施有一種氣虛欲脫痰

血猶滯於中汗出神昏上吐下瀉或面青肢冷或氣喘



直視危急異常因於瘀滯者用生化湯或芎歸湯先通其瘀卽補其原有一種產時去血驟多因而虛脫者用獨參湯沖童便服或參附湯先保其原再和其血又有一種元氣又真虛瘀血又壅滯欲補其原瘀卽上攻欲消其瘀原卽隨脫雖有攻補兼施之法如人參蘇木飲人參生化湯之類亦難見效此名絕症祇因胎前失於檢點及至臨盆欲救不能追悔何及謹列胎前節養六條預爲調理指引孕婦皆登壽域

一除惱怒凡受胎後切不可打罵人蓋氣調則胎安氣逆則胎病惱怒則否塞不順肝氣上沖則嘔吐衄血脾肺



受傷肝氣下注則血崩帶下滑胎小產欲生好子者必
須先養其氣氣得其養則生子性情和順有萃友之心
無乖戾之習所謂和氣致祥無不由胎教得之也

二禁房勞保產以絕慾爲第一要事試觀猶犬至微尙知
有孕後不復交合何況人爲萬物之靈而反不如之耶
所以婦人於懷孕後必須分牀獨宿清心靜養則臨盆
易生易育得子少病而多壽倘房勞不慎必致陰虛火
旺半產滑胎其害有不可勝言者可不謹歟

三戒生冷胎前喜食生冷只因懷孕以後多惱多氣不慎
房勞以致火旺口渴殊不知生冷等物豈能退血分之

地產方集卷二 七
熱徒使脾胃受傷瘧疾痢疾嘔吐泄瀉諸病皆由此起
病則消耗精液口渴愈甚惟戒惱怒慎房勞服健脾補
血之藥調理本原可保平復否則臨產之虛脫產後之
絕症斷不免也

四慎寒溫胎前感冒外邪或染傷寒時症鬱熱不解往往
小產墮胎攸關性命要知起居飲食最宜調和夏不登
樓宜著地氣夜不露坐宜煖背腹古人有言不受寒自
不發熱不傷風自不咳嗽此爲胎前緊要關頭

五服藥餌胎前產後藥能起死回生世人監誤治之害遂
言胎產不必服藥迷亂人意以致失於調補株守含忍

勉強臨盆諸症蜂起若知節養有方隨時調治其所安
全母子者藥餌之功正復不淺也

六宜靜養胎前靜養乃第一妙法不校是非則氣不傷矣
不爭得失則神不勞矣心無嫉妬則血自充矣情無淫
蕩則精自足矣安閒清靜卽是胎教紹宗祧之重承舅
姑之歡叶琴瑟之和衍螽斯之慶者胥在是也

受胎保護

一受胎後不可看戲及鬼怪形像

一受胎後不可升高處恐傾跌有損亦不可舉手向高處
取物恐傷胎而子鳴腹中如鐘聲亦有治法但令曲身



片時卽安蓋胎內有疔瘡兒含口中因母舉手向高處
脫出兒口是以啼也又法散錢於地令母拾取亦效
一受胎後三五箇月常要緊束其腹勿令胎放難產
一受胎六七箇月或八九箇月胎忽亂動兩三日間或痛
或止或有水下但腰不甚痛是胎未離經名曰弄胎又
曰試胎胎水有無俱不妨但直身坐臥行立不可驚憂
逼迫以致悞事二者俱非正產必因觸犯至此

小產當慎

三月五月而墮者爲小產此因胎臟損傷胞繫腐爛以致
墮胎此比正產更險視爲輕忽而殞命者極多必須倍



加將息宜服補血養氣生新去瘀之劑世更有服墮胎藥者爲禍最烈也

七月而墮者爲半產此除跌撲損傷外有無故而忽墮者多在三五七月若前此受胎此月曾墮者後至此月必應期而墮

娠妊三月乃手厥陰心包絡所養心包絡名相火內屬於心代君火行事其經多血少氣若悲哀思慮驚動而神氣內虛則墮當此之月名曰始胎血不流行未有定儀見物而化欲生男者操弓矢欲生女者弄珠璣欲子美好玩佩玉欲子賢能講論詩書欲子端正莊嚴口談正

言身行正事是謂外象而內感者也

娠妊五月乃足太陰脾經所養脾爲五臟之本生化之源
其經多氣少血若飲食失宜起居不慎脾土受傷不能
化血養胎則墮

妊娠七月乃手太陰肺經所養肺主一身之氣所以流行
血氣舉載胎元是經亦多氣少血若多言大哭薄衣洗
浴食涼犯寒氣血虧損不能內固則墮○凡此三經關
係最大此月經虛不能任養而墮後至此月經益虛故
復墮必須用對症之藥先期半月服十餘劑調補防過
此月則胎可固矣



大凡胎氣腹痛者常事而腰痛則切須防備急宜服藥補
腎安胎不可不早至紅一漏只可寸保其三宜服安胎
飲重用熟地或加入參桑寄生但小產重於大產益大
產乃瓜熟蒂落天生自然小產必有所由驚動而下乃
斷其蒂胎之胞附於帶脈帶又環繫於腰是以腰痛帶
脫胞胎卽下矣預服保胎丸卽無患方見後又法三月前
用芎歸補中湯或茯苓湯五月前用安中湯或五味異
功散加芎歸麥冬阿膠如嘔吐用六君子加砂仁山藥
扁荳生姜大棗七月前用補中益氣湯倍加當歸川芎
砂仁棗仁薑棗如有別症更加斟酌此月防過尤宜加



慎

補母壽子安胎飲

養血益胎

治屢產生子無氣或育不壽氣血

虛弱孕成不安或得孕數墮照方每月限五帖弱甚者

十帖大益胎而分娩易又生子精神而有壽神效良方

也

人參

壹錢弱人貳叁錢

白朮

貳錢歸身貳錢

川芎

捌分懷生地

蒸熟條貳錢

苓

壹錢紫蘇葉陳皮

甘草

各肆分

虛肥人陳皮去白加黃

連五分棗二枚水煎

脾胃弱常泄瀉加蓮子拾粒帶皮砂仁叁分減地黃

多怒而瀉再加木香貳分瀉口燥加麥冬

壹錢去心

怔冲



驚悸加棗仁益智仁

各壹錢

桂圓拾枚

惡阻

孕婦嘔吐名曰惡阻非指經阻而言

娠妊之際經不行濁氣凝滯上干清道或中脘停痰胸膈

滿悶眩暈嘔吐或倦臥無力而不喜食或一時覺大病

之象過時而全無病此所謂孕婦多怪病實非病也名

惡阻方用二陳湯加枳殼炒砂仁去殼研以安胃化痰

若脾氣虛用六君子湯加紫蘇梗枳殼炒砂仁炒各伍分

香附陸分加姜棗煎服其半夏必用姜水泡洗三次若與

人參同用更穩惡阻之症雖屬尋常然嘔多不食氣必

上逆逆則防沖動心包孕婦有礙急宜安胎調胃



二陳湯

製半夏壹錢 廣陳皮朱分 白茯苓壹錢 炙甘草伍分

本方加人參捌分 白朮壹錢 即六君子湯俱宜加姜棗煎服

竹茹湯 治懷孕五十日四肢軟倦背惡寒眩暈惡心嘔

吐痰涎思食酸物為惡阻之症宜服此湯五六劑

熟半夏泡 陳皮 蘇梗 廣藿 條芩焙 枳殼麸炒

白芍酒炒各壹錢 雲苓壹錢伍分 竹茹叁分

河水煎如火旺吐甚者加酒炒川連伍分黑山梔壹錢

麥冬貳錢去心胃虛者加白朮壹錢土炒金石斛貳錢

氣滯者加香附壹錢酒炒



胎動不安

胎動各有所因或怒動肝火或起居不慎或跌撲閃動及房事動擾則胎不安孕婦腰痛發熱不食不眠方用安胎飲主之各有加減若不安之甚防其胎傷於內須驗其舌色面色如面赤舌青知胎已傷面青舌赤母傷子存而舌俱赤母子無妨面舌俱青母子亡如口吐白沫唇口色青者立死不救故娠妊者切宜慎養

安胎飲

大熟地

叁錢

歸身

壹錢

白芍

酒炒壹錢

炙草

伍分

艾葉

伍分

砂仁

伍分

研

白茯苓

壹錢伍分

川芎

叁分

白朮

土炒壹錢

阿膠

壹錢

水煎服



起居不慎房事擾動者加人參壹錢杜仲貳錢川斷壹錢桑寄

生貳錢如無力用參以蜜炙黃芪三錢代再加潞黨參壹錢

炒貳錢

若怒動肝火本方加柴胡叁分黑山梔捌分若脾虛氣滯

除熟地加人參伍分陳皮伍分白扁豆貳錢若跌撲傷動

另用當歸壹錢川芎伍分青木香壹錢桑寄生二三錢此物

恐不真若感風寒相搏須按各經以祛之輕者於本方

除熟地加蘇梗壹錢此物能寬胎貳錢或加青苧叁錢大凡

皆可加入更有氣虛胎下陷者另用補中益氣湯以升舉

胎元則安凡體弱之人安胎飲內皆宜加人參即合成



膠艾八珍湯

補中益氣湯

炙黃芪

貳錢

白朮

土炒壹錢

陳皮

伍分

歸身

壹錢

柴胡

蜜炙叁分

升麻

壹錢

分叁炙甘草伍分加姜棗煎服

保胎丸 亦名千金保孕方極有效驗

杜仲

剉兩用糯米粥湯伴蒸曬乾炒

山藥

炒陸兩另磨雷粉

川斷

鹽水炒肆

兩當歸酒炒貳兩

用山藥粉打糊加棗肉為丸不拘時開水下四錢凡有

孕者即合服之服過七箇足月方止此方物省而功大

永無小產之患且產後多乳貧家宜傳此方與服雖受



外感亦勿間斷見有小產者卽傳此方其效如神

凡孕婦患虛損潮熱骨蒸少力或崩漏或少食皆由氣血不充胎弱不能鼓動或胎不安上攻或跌撲損胎不動或患熱病損胎或悞服動胎藥及食莧菜雖血行胎逼斷不可用落胎之方妄議去胎以救母必須滋補母之氣血力健自安卽果胎死助血自落若強攻其胎胎落而母卽殞矣慎之慎之

胎漏

婦人之經血一有孕時卽畜之以養胎至產後則變乳以養子此天地生人自然之妙倘孕婦忽然見紅名曰胎



漏急宜服藥勿使血去多而胎不保也

膠艾湯 懷孕而點滴下血者係陰虛不足以濟火氣虛

不足以固血也此湯主之

熟地壹錢 艾葉伍分 當歸壹錢 川芎伍分 甘草伍分 黃芪貳分

阿膠蛤粉炒 五分

產科心法曰若因風熱動血者用四物湯送防風黃芩丸

二錢一日二三服若因怒動肝火者用逍遙散加黑山

梔壹錢 條芩伍分 若血虛妄走者用四物湯加茯神貳錢 阿

膠壹錢 艾葉伍分 蓮子拾粒 若脾虛不能攝血者用歸脾湯

加膠艾蓮子 若氣虛下陷者亦用補中益氣湯若去



血太多須用八珍湯大補之必要人參即同血脫益氣
一體耳百問曰胎息未實勞力觸犯或食毒物或房勞
驚恐令子宮虛滑經血淋瀝敗血奏心子母難保此急
症也速大補之 產棠曰肝經有風下淋胎血宜服防
風黃芩丸此實症也

四物湯

大生地 錢叁 當歸 錢壹 白芍 錢壹 川芎 錢伍
加絲絲燒灰 伍分

水煎服

防風黃芩丸

實條芩 醋炒黑 壹兩 防風 炒 壹兩
其為末酒糊為丸米湯下



逍遙散

歸身壹錢 白芍壹錢 白朮壹錢 柴胡叁分 炙甘草伍分 茯苓壹錢 歸身壹錢

水煎服

歸脾湯

人參壹錢 白朮壹錢 黃芪貳錢 歸身壹錢 炙草伍分 茯苓壹錢

貳錢 棗仁壹錢 遠志伍分 廣木香伍分 桂圓肉伍分 加姜棗水伍分

八珍湯

人參壹錢 白朮壹錢 茯苓壹錢 甘草伍分 熟地壹錢 歸身壹錢 白芍壹錢

川芎伍分 加姜棗煎服



補中益氣湯

見前胎動

千金方曰娠妊下血不止名曰漏胞胞乾便死急用

八兩以清酒三升煮減半絞去滓服此亦急症也

有等妊婦紅漏不多精神如故六脈和平此小兒血盛有

餘之症也

子煩

犀角散 懷妊而煩悶者心肺有熱也名日子煩此方主

之

犀角 伍分

地骨皮

貳錢

麥冬

貳錢

赤茯苓

壹錢

條芩

壹錢

草 伍分



產科心法曰子煩症心煩悶亂說不出之難過此君相二
 火翕聚以養胎火盛內熱致煩也宜用淡竹葉湯主之
 若氣滯痰凝而悶者用二陳湯加白朮黃芩蘇梗枳殼
 若脾虛胃弱食少嘔吐者用六君子湯或加香砂以安
 之但子煩之症不善調攝則胎動不安須防小產之患
 又有吐久氣逆胃元大虛不能進食恐致產母氣脫故
 初卽欲降火繼卽安胃進食此一定之理也

淡竹葉湯

淡竹葉拾片 黃芩壹錢 知母壹錢 麥冬壹錢五分 茯苓貳錢 水煎

服



二陳湯 見前 惡阻

六君子湯 同見 如加香附 捌分 砂仁 伍分 即香砂六君子湯

子懸

紫蘇飲 懷孕而胎氣不和 湊上心腹腹滿閉悶氣塞欲

死名曰子懸此方主之

蘇梗 壹錢 人參 壹錢 陳皮 壹錢 去白 當歸 貳錢 川芎 捌分 大腹皮 貳錢 豆汁

浸水洗 甘草 伍分 白芍 壹錢 伍分 酒炒

子眩

產科心法曰子眩為氣逆暈厥並用紫蘇飲然有脾虛夾

痰用六君子湯加天麻五分若脾不甚虛獨頑痰閉塞



者用二陳湯加竹瀝姜汁虛實之間宜察辨之如不合
法卽防胎落大約肝經氣逆者多予常用紫蘇飲加枳
殼鈎藤而安

紫蘇飲

見前

六君子湯

二陳湯

並見前
惡阻

子癇

又曰
子冒

四物加芩連姜夏湯

懷孕而癇仆者由陰虛火亢痰氣

厥逆故令暈倒作羊犬之聲名曰子癇此方主之

當歸

貳錢

川芎

陸分

熟地

參錢

白芍

酒炒

黃芩

酒炒

黃連

酒炒

黃連

酒炒

伍分
半夏

製炮
壹錢

主姜

貳片

產科心法曰孕婦血虛風邪入肝忽然昏冒不知須臾卽



醒過時復發久則變痙痙卽口噤搐搦背腰反張如兒
童發驚之狀方用羚羊散定之若怒動肝火佐以逍遙
散加人參五分若引動胎氣並上佐以紫蘇飲兼脾虛
夾痰者佐以六君子湯或因平地而發者宜用理中湯
加防風鈎藤此症宜速治若頻發無休不但胎孕驟下
抑或血隨渙散母命難保如胎下卽大溫補氣血爲要
方可保全母命遲恐難以挽回

羚羊角散

羚羊角

獨活

各壹錢

當歸

貳錢

川芎

叁分

人參

捌分

茯神

壹錢伍分

桑寄生

貳錢鈎藤

叁錢防風

柒分甘草

伍分加姜煎服

或加竹瀝

或加竹瀝

或加竹瀝



理中湯

白朮錢貳

炙草伍分

乾姜壹錢

水煎服或加入參更妙

逍遙散

紫蘇飲

六君子湯

俱見前

子疝

又名子氣

子滿

胎水

木通散

妊婦氣血失調營衛澁滯故令身體浮腫而小

使不利此名子腫宜服此方

木通

蘇梗

茅朮炒

桑白皮各壹錢

枳殼炒

檳榔

各伍分

條芩

壹錢

訶子皮

叁分

木香

叁分

產科心法曰娠妊婦人常有面目腿足腫脹故有各腫之

名其實皆由脾土不足以傳化水穀之濕而胞胎壅遏



膀胱不化水泛橫流致肺氣不降而喘息水便淋漓不利古方用鯉魚湯 葵茯湯 曰朮散皆有妙處子每用五皮飲如水腫法治之亦多驗蓋一體水症也此方簡而易不愈再用鯉魚湯惟參朮不宜早補補則填塞不通總宜利濕為先如輕而小便利者或體厚者亦可不 不必治待生子後自消

葵茯湯

冬葵子 半斤 炒 茯苓 兩 參 其為末米飲下三錢

白朮散

白朮 錢伍分 土炒壹 茯苓 錢貳 澤瀉 錢壹 陳皮 分捌 姜皮 分肆 大腹皮 淨壹



錢伍
木香
肆分

加味五皮飲

桑白皮壹錢伍分 大腹皮壹錢伍分 此味只可治胎腫常見

茯苓皮壹錢伍分 新會皮壹錢伍分 紫蘇梗壹錢伍分 車前子壹錢伍分

老姜皮捌分 五加皮壹錢伍分 二三劑後再加白朮茯苓俟

消去大半再用六君子湯補其脾氣宜食淡淡以滲利

也

子嗽又名子哈

宜胎飲 治懷孕四五月咳嗽五心煩熱胎動不安或痰

血或鼻衄皆因火旺上冲肺經謂之子嗽宜服此方六



七劑

生地參錢歸身

麥冬

去心各壹錢伍分

白芍

酒炒貳錢

阿膠

杜仲

鹽水續斷炒鹽水

條芩

枳殼

麩炒各壹錢

加炒熟砂仁末

河水煎

產科心法曰娠妊數月胎熱冲肺金常有咳嗽者宜用瀉

白散加黃芩蘇梗川貝主之如感風熱再加荆芥桔梗

甘草毋任咳嗽傷肺致成產勞又不可用溫散之味如

羌活麻黃桂枝之類反傷肺而助火恐胎熱上逼莫可

療也如瀉白散加味服之不愈可服六味地黃湯為至

穩之法



瀉白散

桑白皮錢貳地骨皮錢叁煎服

六味地黃湯

熟地錢叁萸肉錢壹茯苓錢壹山藥錢貳澤瀉分捌麥冬錢壹空分伍心

煎服

子瘡

產科心法曰娠妊至八九月忽然不語謂之子瘡不必驚

慌但以飲食調養亦不必服藥此胞胎繫於腎腎脉貫

舌本待分娩自能言也如不放心可服四物湯見前加

茯神遠志亦有即能言者若妄投雜藥反恐有誤



子淋

與三十真參看

冬葵子湯

懷孕而小便淋瀝此本於濕熱名曰子淋宜

服此湯

冬葵子

略炒

柴胡

伍分炒

桑白皮

炒

白茯苓

干

歸身

各壹錢伍

分白芍

壹錢酒炒

又方單用地膚子四兩水煎分三次服

產科心法曰腎開竅於二陰與膀胱為表裏熱則小便淋

瀉甚者心煩悶亂用子淋散主之如腎虛熱不能司化

用六味湯

見前子嗽

加車前子又安樂散葵子散皆可選用

子淋散



茯苓貳錢 麥冬壹錢伍分 木通壹錢 甘草叁分 大腹皮貳錢 淡竹葉壹錢
水煎服

安樂散

人參肆分 麥冬壹錢伍分 歸身壹錢伍分 甘草叁分 通草捌分 滑石壹錢

細辛叁分 燈心伍分 水煎服無力者 或用党參壹錢伍分

葵子散

冬葵子壹錢 滑石壹錢 木通捌分 加葱白七寸水煎服

轉胞

三合湯探吐法 孕婦中氣怯弱不能舉胎胎壓其胞以致小便不通名曰轉胞用二陳四物四君子三方合煎



服而探吐之以升提其氣上竅通而下竅自利也

人參壹錢 白朮炒土 白芍酒炒各壹錢伍分 茯苓 生地 當歸各

錢川芎捌分 半夏壹錢 陳皮壹錢 甘草伍分

產科心法曰此症不比淋淋乃頻數不通轉胞則點點滴

滴甚至點滴不能下症重於子淋矣此胎墜於下胞系

被壓故名轉胞其禍最速如不急治即濁汚上逆上吐

清水如關格可不危乎朱丹溪先生用補中益氣湯隨

探吐之大有義理吾師鍾齡先生用茯苓升麻湯每效

如神古方有用四物湯加黃芩澤瀉此治輕者而用也

又張仲景先生治轉胞方用熱入味湯乃下焦偶感虛



寒胎氣陰冷寒水斷流得煖則陽氣宣通也又有一症
為孤陽無陰不能化氣者宜補其陰古方滋腎丸是也
間常用六味湯加車前牛膝亦多收功斯二症一陰
陽水火之分極宜深究不可錯悞當診其脈之遲數察
其人之喜冷喜熱合而辨之庶不悞人

補中益氣湯

見前胎動不安

四物湯

見前胎漏

六味湯

即八味除桂附

茯苓升麻湯

白茯苓

赤茯苓

各伍錢

升麻

壹錢

當歸

貳錢

川芎

壹錢

苧根

叁錢

急流水煎服

八味湯

即六味加桂附



熟地錢參 萸肉錢壹 山藥錢壹 茯苓錢貳 澤瀉分捌 麥冬代丹壹錢

肉桂分參 製附子分參 此二味胎中慎用 水煎涼服

滋腎丸

黃柏壹兩 知母一兩 肉桂壹錢 蜜丸開水下五錢

臟燥又名孕悲

清燥湯 治懷孕六七十日大便燥結腹滿努力難解無

故悲泣謂之臟燥宜服此湯六七劑

瓜蒌仁炒 白芍研 歸身酒炒 甘草肆分 生地 麥冬去心

蘇仁炒 枳殼炒 條芩各壹錢 加松子仁三錢河水煎調

白蜜十匙服



產科心法曰孕婦無故悲泣為臟燥也用大棗湯或竹茹

湯治之自愈

大棗湯

小麥兩參甘草兩參大黑棗枚拾水六碗煎三碗分三四次服

竹茹湯

人參 茯苓 半夏伍分 麥冬伍錢 甘草伍分 竹茹壹錢

加姜棗煎服 此方心虛虛煩驚悸皆可治

又曰孕在腹中總有胎熱大便燥者多切勿臨周用力努

掙多有因此而小產者為用力努傷胎氣致兒隨下亦

有掙傷胞衣而墜下者蓋胎被氣迫下氣愈迫大便愈

會黃大上聖旨 卷二 三



難出只宜服生地四物湯見前加松子黑芝麻或麥冬

瓜蒌並以菜油或生麻油冲湯飲之皆潤腸之意如大

黃滑利之藥斷不可服

尿血

又曰孕婦血尿不必驚慌方用續斷湯或膠地湯如怒動

肝火用加味道遙散見前若食火炙熱物用加味清胃

散見後有血熱流滲於脬即為血淋用葵子一升研細

水煮分三次服

續斷湯

川續斷 赤芍 當歸各伍錢 生地壹兩 其為末每空心葱



白煎湯調服二錢

膠地丸

阿膠

蛤粉炒
研末

大生地

酒蒸熟
膏各貳兩

二味為丸如桐子大每

服七十九丸空心米飲下此方極穩且補血如急時每樣

三錢水煎服

乳泣

有孕在腹乳自出名曰乳泣出多恐生子難養緣內血不

足以養胎也乃氣血虛弱不能統攝宜多服八珍湯

前見

漏胎以助其血

胎不長



婦人月經不行已六七箇月從前月事準今又無病腹不見大脈見微滑但不甚旺此胎不長也是以常有卡三箇月而生者此產母血氣不旺法當助其血氣補其脾胃卽胎長腹大矣補脾用五味異功散培血用八珍湯如有別疾隨症加減 指掌方用黃芪湯白朮丸皆能長胎均助脾胃補衝任之法

五味異功散 卽六君子除半夏

人參 白朮 茯苓 甘草 陳皮 加姜棗煎服 此方

除陳皮加四物湯卽八珍湯

黃芪湯



黃芪壹錢 蜜炙 白朮壹錢 分五 茯苓貳錢 麥冬壹錢 去心 人參伍分

陳皮捌分 甘草叁分 姜棗煎服如無力用參以黨參壹錢 伍分 枳

白朮丸

白朮壹錢 伍分 當歸壹錢 伍分 阿膠壹錢 蛤粉炒 熟地叁錢 砂仁炒 川芎捌分

牡蠣伍錢 川椒柒粒 蜜丸

熱病防損胎

孕婦或感傷寒或染時令火症燒熱昏昏不退急用涼藥

請解以保其胎如三黃解毒芩連羚羊之類惟犀角傷

胎之物不宜用如不解至胎損腹中不得下孕婦昏憤

斯時極難措手須驗產母之舌如面赤舌青其子已損



急用平胃散加朴硝服下立出但死胎不得不下之
又恐氣隨下脫不下又難保產母倘面青舌赤及面舌
俱青而口吐白沫者皆兩命難存不可為也設遇胎下
面轉赤色倘有一息之機隨卽以參芪歸地救之間可
十活一二 若用加味芎歸敗龜板湯亦可下死胎則

平穩較勝

平胃散

蒼朮 貳錢 厚樸 壹錢 陳皮 壹錢 甘草 捌分 加朴硝 叁錢 煎服 又

方獨用朴硝三四錢童便一鍾和熱酒調服卽下但小

後卽如產後溫補若仍作熱症醫卽錯矣



娠妊傷寒

凡遇傷寒必保胎莫與尋常一樣猜最穩只宜香蘇飲分

經加味變通來

香蘇飲

香附

錢貳

紫蘇

錢壹

陳皮

錢壹

甘草

肆分

砂仁

伍分

如太陽經加防

風

錢壹

荆芥

錢壹

秦艽

錢壹

陽明經加葛根

捌分

知母

錢壹

少陽經

加柴胡

叁分

黃芩

錢壹

人參

叁分或潞

覺壹錢

瘧疾

卽是少陽症邪在牛表半裏之間

此症乍寒乍熱過時神清有一日一發有間日一發者始

則亦宜香蘇飲表之如待寒熱分明始用以柴胡湯和



解之切勿早用柴胡若汗多宜加人參如熱盛寒少而有汗可加石膏知母以涼散退熱勿使熱傷胎氣當早為留意

泄瀉

感寒熱者水瀉食生冷而不化者溏瀉皆神朮散治之

神朮散

製蒼朮壹錢厚朴捌分陳皮捌分甘草伍分砂仁伍分藿香壹錢

加姜一片煎服或加茯苓大腹皮

痢疾

瀉輕而痢重痢則裏急後重下痢紅白稠粘臭穢此積物



與熱結聚腹胃氣閉不通宿滯不去不愈初宜葛芎湯
後用香連丸總以能食為輕食減為重絕食噤口者死

葛根

壹錢

赤芍

叁錢

廣皮

壹錢伍分

苦參

壹錢

陳茶葉

貳錢

煎服不已

再加山查

叁錢炒

神麴

壹錢炒

或枳榔

伍分

香連丸

廣木香

壹兩焙

川連

伍錢焙

神麴糊為丸每服二錢米飲下

止後隨服生地四物湯

見前以調血分漏胎

鬼胎

人之臟腑安和心思靜正精神健旺氣血充實安得有妖



魅之邪惟體本柔弱精神或亂或獨居靜室而多驚疑
則邪氣交侵而受或夢與鬼交而成經閉腹大正如懷
子一般但其婦必面色青黃不澤脈細澹或大或小兩
手兩樣變更無定或作寒熱之狀攢眉不樂之形此由
肝脾憤鬱之氣非胎也治用雄黃丸攻之而以各經見
症之藥輔助元氣前賢又有斬鬼丹亦極妙消去隨服
桂附入味或六君子湯歸脾湯以補正心脾自無他患
虞氏曰此肝腎相火發爲白淫流入子宮結爲此胎
是本婦之精結成非真有鬼交也

雄黃丸



明雄黃

鬼白

丹砂

水飛各伍錢

延胡索

柒錢

麝香

壹錢

半夏

壹兩姜炒

川芎

柒錢

其為末蜜丸空心服三十九

斬鬼丹

此方不用為安必不得已用之丸須如梧桐

不可稍大

吳茱萸

壹錢

川芎

叁錢

秦艽

肆錢

柴胡

壹錢伍分

芫花

貳錢

醋煮

僵蠶

貳錢

巴豆霜

捌分

巴戟天

壹錢

蜜丸

酒服七丸

下惡物愈

桂附八味丸

見前小便不通

六君子湯

見前乳泣異功散加半夏

歸脾湯

見前漏胎

吐血

孕婦吐血或因感風熱者必先咳嗽久見血用香蘇飲

加黃芩象貝以清散風去咳止血必不吐也或胎熱胃



生地叁錢連翹壹錢貳分川連叁分麥冬貳錢黃芩伍分象貝壹錢煎服

便血

孕婦大便見血亦是血熱妄行大凡血症上行為逆下行

為順宜服生地四物湯見前加麥冬壹錢伍分槐米壹錢伍分赤

芍貳錢甘草叁分主之如係臟毒加金銀花貳錢必自愈

孤漿此藥而用試中過思之藥以逐散其真育

孕婦六七箇月暴下黃汁水或如膠或如豆汁多至升許

名曰孤漿並非產也然每每胎動腹痛皆氣血元虛若

認為產心慌神張則胎必墮急服黃芪糯米湯可保胎

服人參更妙方用黃芪六兩糯米半升水七升煮汁三



升分作四服日三夜一儘服完為妙

誤服傷胎之藥

薛立齋曰妊婦誤服毒藥胎動不安急服甘草黑豆淡竹

葉濃煎以解之子謂毒藥者即內經婦人身重毒之如

何此必有他病而用胎中所忌之藥以致胎動非真有

信砒毒也

心痛

大全曰娠妊心痛乃風邪痰飲交結子謂肝氣不暢者多

若傷於絡則乍作乍安名曰厥痛若胎動下血乃傷觸

子臟也用安胎飲或火龍散手拈散輕者一味砂仁湯



使氣調自安若果真心痛指甲青朝發暮死夕發旦死
無能為力然此症懷孕者少蓋真心痛為寒冷入
尅心火滅也而懷妊者必有胎熱當之不致寒水凌

火龍散

川棟子

茴香

各壹錢

艾葉

柴分鹽水炒

煎服

手拈散

延胡索

伍分

五靈脂

伍分

草果

陸分

乳香

去淨油

沒藥

去淨油各壹錢

共

為末服一錢

胸腹痛

張仲景曰懷孕腹痛當歸芍藥散治之此益氣血也然或



有宿痰或風冷觸犯或氣或食總以香附砂仁蘇梗
姜四味最穩

當歸芍藥散

當歸壹錢 白芍壹錢 茯苓貳錢 白朮壹錢 澤瀉壹錢 川芎伍分

陸分 水煎服或為末每服二錢

腰痛

大凡腰痛皆屬腎虛在妊中最宜急治蓋胞胎繫於帶脈

帶脫則胞下墜矣古方用青娥散治之子常以熟地杜

仲合保胎丸多效

青娥丸自尿血至此
出產科心法



杜仲肆兩 姜炒補骨脂壹兩 鹽炒核桃肉貳兩爲末蜜丸酒下三錢

子淋固真飲 治懷孕三四月內熱體倦腰腿酸痛白帶

淋漓小便頻數飲食少思謂之子淋宜服此方

白朮土炒條芩鹽水炒續斷鹽水炒白蓮鬚 芡實 廣皮各壹錢

杜仲鹽水炒山藥各壹錢 伍分麥冬去心 貳錢加建蓮五粒不去心

打碎天泉水煎服

安胎丸 治懷孕三月惡心懶倦已退臍燥已潤於四五

六七八月逐月服此丸料善能和中保胎養血調氣健

脾進食功效無比

生地肆兩 砂仁末 壹兩 水酒煮爛蒸歸身酒炒白芍酒炒於朮米泔浸切 片飯上蒸

育實大生要旨 卷二 三



曬伍次土拌
炒焦各叁兩
陳皮
條芩酒炒
鹽水
杜仲斷絲
鹽水炒
麥

冬去心各
貳兩
其搗曬乾磨末煉蜜為丸每朝砂仁湯送

三四錢
如脾虛多瀉加山藥兔絲餅各三兩

氣大虛加人參二兩○如血虛加阿膠二兩

繡閣保生書保產方

懷孕一月不須服藥如有不安即當調治宜服安胎飲

白朮貳錢炒
條芩壹錢伍分微炒
水一鍾煎服如血不足加歸身

一錢五分

大安胎飲

當歸貳錢
人參伍分
炙甘草
荆芥穗各伍分
砂仁炒不殼
桑寄



生白朮炒白芍炒條芩炒續斷鹽水炒川芎煨切熟地酒洗

各壹錢 水煎服如覺氣不順而喘加蘇梗一錢

懷妊二月胎氣始盛逆動胃氣惡阻嘔吐飲食少進用陳

皮大半夏湯

陳皮去白鹽水拌曬茯苓各壹錢子芩淡姜汁炒枳殼麩炒紫蘇各捌分炙

草伍分製半夏貳錢伍分姜一片水一鍾煎七分食遠服

懷妊三月惡阻不止飲食少進前方為主煎湯下抑青丸

川黃連姜汁炒叁次研末米糊為丸如棗豆大每服七分

懷妊四月如覺倦臥不安或口苦頭痛腳弱及腫急服安

胎和氣飲



歸身酒洗白朮土炒各壹錢
白芍壹錢茯苓壹錢香附鹽水炒

陳皮去白黃芩炒炙甘草各伍分川芎各伍分水煎服加

熱多加山梔一錢

懷妊五月覺胎長腹重睡臥不安服養胎飲

白朮壹錢白芍酒炒歸身酒洗澤瀉壹錢川芎捌分黃芩壹錢

枳殼捌分炙甘草肆分水煎服

懷妊六月或腹痛或脹悶或胎動不安服大安胎如勝飲

當歸貳錢白朮壹錢茯苓壹錢子芩壹錢白芍酒炒砂仁去衣

桑寄生各壹錢甘草伍分水煎服

懷妊七月覺胎氣不安或損傷漏血或腹大重墜急服清



胎萬全飲

當歸

白朮

炒

續斷

各壹錢伍分酒洗

子芩

酒炒

白芍

酒炒

桑寄生

生

熟地

阿膠

蛤粉炒各壹錢

茯苓

荆芥

各捌分

甘草

伍分

煎服

懷妊八月覺胎氣不安氣逆氣喘宜服束胎調氣飲

陳皮

枳殼

麩炒

蘇梗

茯苓

白朮

炒各壹錢

子芩

壹錢伍分

甘

草

叁分水煎服

懷妊九月雖無他症亦宜順氣和中扶脾安胃使無難產

之患宜服順胎和氣飲

當歸

錢貳

白朮

壹錢五分炒

大腹皮

捌分

豆汁

浸淨

水煎服



懷妊十月宜服滑胎飲二三日一服

當歸

白朮

炒

陳皮

香附

各壹錢伍分

白芍

貳錢酒炒

川芎

陸分

黃芩

炒

蘇梗

各伍分

甘草

叁分

水煎服

如氣虛加人參

胎肥加枳殼

一錢炒

猪脂方

人參

壹錢

蓮肉

壹兩去心

白藹豆

貳兩去皮

用雄猪脂

一箇洗淨將

參等裝入

用線紮口

將大砂鍋

一箇用碎碗

鋪底以

防著底鍋裂

扣水浸火

燉熟孕婦

七八箇月

每月吃二

三箇連湯藥

吃完大補脾

胃精神健旺

可免崩暈諸症

醫方考胎前要法



黃芩白朮考白朮益脾能培萬物之母黃芩瀉火能滋子

戶之陰故曰安胎聖藥

砂仁葱湯 妊娠腹痛此方主之

砂仁去衣壹錢炒研連鬚葱白叁根煎湯服腹痛者氣血澁滯不

通之故用砂仁順氣於下葱白順氣於中氣行血和其痛自止倘別有他故而痛者宜隨症治之

束胎飲 凡難產者或因肥甘凝滯以致兒身肥大或因

胎中有火熱盛而胎液乾澁娠妊七八月服此則胎氣

斂束令人易產

白朮貳兩茯苓柒錢伍分陳皮壹兩黃芩壹兩水煎分五服



達生散 妊娠臨月服之易產達小羊也羊子易生故名

達生

大腹皮

叁錢豆汁浸水洗肆次淨曬乾

人參

壹錢

陳皮

壹錢

紫蘇

壹錢

歸身

白芍

酒炒壹錢

白朮

壹錢

炙甘草

伍分

葱

壹根

黃楊樹頭

柒枚

春加川芎

夏加黃芩

秋冬加砂仁

枳殼

安胃定胎散

白朮

壹錢

陳皮

柒分

砂仁

伍分

茯苓

壹錢

歸身

捌分

藿香

叁分

加老姜

一片炒米二錢水煎服如惡心而吐痰者加製半夏五

分

保產無憂散

俗名十味方

此方懷妊後每月服一二劑臨月再



服二三劑若月分雖足腹中似痛總宜服此方庶易產
并可免產後餘患若未及時而痛者服之即安真仙方
也若兒已離母下咽即死斷斷不可悞服慎之慎之

黃芪蜜炙當歸壹錢川芎捌分白芍壹錢酒炒夏炙甘

草伍分羌活伍分厚朴姜汁炒枳殼陸分蘼艾伍分荆芥穗捌分

兔絲子壹錢川貝壹錢加老姜一片水煎服產科心法加

大腹皮五分

催生諸藥說

生不必催也催之非但無益而反害之矣古方有用兔腦
丸者有用猪脂者有用油蜜葱白者有用冬葵子者有



牛乳榆皮滑石者有用金鳳子者有用弩牙灰者有用
石榴枝者有用筆頭灰者有用百草霜者有用伏龍肝
者有用鑿頭灰者有用握石燕者有用蓖麻子貼於足
心者用之不驗徒增煩擾噫平時失於調理不守禁忌
以致臨產艱難頻以雜藥催之又何濟乎

痰鼓似胎案

產科心法曰昔於庚辰歲海甯萬家渡金姓娶妻十載未
孕忽月事過期長久醫者謂之孕遂以熟地阿膠苓朮
之類補之延至十月尙不見產腹日大婦日病及至十
五月人不起牀食不下喉腹大異常偶一腹痛卽腹鳴

如踏水車之聲門外俱聞其嚮危急之甚延予診治其
人已淹淹一息諸醫袖手待斃有曰鬼胎有曰經阻予
診之六脉滑大無倫按之堅實乃曰非孕也此痰鼓也
由思多傷脾脾不爲胃行其津液而化痰初悞爲孕服
滋膩寒涼之藥致痰不行積久而成斯症若不攻之必
無生理隨用二陳湯加南星厚朴枳榔三稜莪朮桂姜
二三劑卽下行病家恐致痢急請復視脈稍和所下者
赭色成塊挑開內白色子曰此血裏痰也卽於前方加
大黃礞石又數劑日下二三十行腹漸消而進糜粥矣
十日後轉用姜桂六君子湯枳實理中丸煎丸並進而

病人起矣彼時若再姑息不攻安得不脹死所以藥貴得當何妨破格用之以起沉痾因存是案以備後人用又嘗讀吳菱山先生辨疑書中治一婦痰飲血癥症為前醫悞認為胎與此症相似

瘦胎不可服辨

前緣諸方用香附枳殼者十有七八而子家家傳胎產各方著有此辨極

言二藥之害故其胎前十八方皆屏除二味專補胎元兼顧他症茲并錄之以俟擇用雅卿識

時人用香附枳殼等耗氣藥立斂胎易產方非無見也益倣古方士進湖陽公主枳殼瘦胎方後遂擴增幾味耗氣藥品巧立斂胎易產名目使人秘而信之惑世害人甚矣彼方士因湖陽公主居養厚而形樂食膏粱而胎



肥過期難產特進此方亦倖中耳其胎之損元不壽不
責咎也常人豈可概服乎夫孕至九十兩箇月胎形全
具一母之氣分蔭其胎業已兩用正宜大補母弱兼培
他症反消耗之則母已不暇救安望有餘血分蔭其胎
是以虧損胎元日漸瘦弱未見斂胎易產之效反滋虧
元損壽之患可不慎乎其孕母氣血虧損多至臨盆難
產晚後暈厥危症亦由所致人自不知耳卽婦人良方
所載無憂散保氣散神寢丸俱不可服

滋榮易產方保產孕婦九十兩月服之有益

川芎壹錢當歸叁錢人參壹錢茯苓捌分甘草肆分陳皮肆分



黃芩錢貳大腹皮 懷生地 益母草 白朮各貳錢

凡孕婦謹守禁忌可保安正產若悞服降性藥多則胎墮

小腹悞食菟菜則胎欲產稟弱人孕至五六月亦腰疼

欲墮三者並服補母壽子方以安之方見墮胎後惡阻前胎傷藥

食墮下者少加升麻伍分以提之腰疼欲墮者一時頻服

兩帖方安弱母成孕後食減困倦足腿腫者日服一帖

以安之又必謹戒房勞

胎前十八方

一孕成之後覺胎氣不安或腹微痛或腰間作疼或飲食

無味孕至五六月並宜服 加減丹溪安胎飲開胃安胎

曰朮 當歸各貳錢 川芎 條芩各捌分 人參壹錢 熟地貳錢

陳皮 紫蘇各肆分 砂仁叁分 姜棗水煎

三孕婦元氣不足倦怠或胎動不安或身微熱減食並宜

服之如腰疼腿痛必一日一夜兩帖方妥 加味安胎

飲培元補腎

人參貳叁錢 當歸貳錢 白朮叁伍錢 條芩捌分 陳皮 紫蘇各肆分

熟地貳錢 砂仁 甘草各叁分 煩渴加麥冬壹錢 姜棗水煎

三孕成三箇月內惡阻嘔逆惡食或頭暈倦怠宜服 加

味參橘飲定嘔安胎

人參 竹茹各壹錢 白朮 當歸各貳錢 半夏捌分 橘紅 藿



香 甘草 各肆分 砂仁 叁分 肥人加竹瀝半盞姜汁半匙水

煎服

四孕婦常多怒氣胸腹滿悶或多服烏藥香附砂仁等

氣藥反加滿悶可服 加減順氣安胎飲 平怒寬胸

人參 白朮 各貳錢 當歸 各貳錢 川芎 各別分 條芩 各別分 陳皮 肆分 甘

草 木香 磨冲各貳分

加味安胎飲 定痛祛寒

人參 壹錢伍分 白朮 當歸 熟地 各貳錢 川芎 捌分 甘草 紫

蘇 陳皮 各肆分 姜水煎兼寒加吳茱萸 壹錢 或乾姜 砂

仁 各伍分



五孕婦面目虛浮四肢有水氣多因脾胃氣虛或久瀉所

致可服加減

全生白朮散

健脾利水

白朮

當歸

各貳錢

人參

茯苓

各壹錢

川芎

剉分

甘草

剉分

蘇

肆分

陳皮

大腹皮

各柒分

水煎服

六孕婦胎氣上攻心腹脹滿作痛可服

加減順氣安胎

飲

消脹

人參

壹錢

白朮

當歸

各貳錢

紫蘇

甘草

陳皮

砂仁

各肆分

川芎

條芩

各捌分

姜水煎

七孕婦下血不止或按月去血點滴名曰漏胎大率多因勞力或因氣血虛損或因喜食炙博物多宜戒房事可



服加減 補中安胎飲 止血

白朮 當歸 熟地 條芩 各貳錢 人參 壹錢 甘草 肆分 紫蘇

白芷 各伍分 姜水煎

八孕婦頓仆動胎下血不止宜先服補中安胎飲 見上一日

兩帖不止可服此方加減 膠艾無憂散 止血安胎

人參 伍錢 當歸 熟地 白朮 各貳錢 川芎 條芩 各捌分 甘

草 陳皮 紫蘇 各肆分 阿膠 壹錢 艾葉 捌分 姜水煎如感寒

頭痛加連鬚葱白二箇腹痛去艾葉加帶皮砂仁四分

九孕婦心驚胆怯煩悶不安名日子煩可服加減 竹葉

安胎飲 定驚祛煩



人參 棗仁 麥冬 各壹錢
白朮 當歸 各貳錢
甘草 肆分 川

芎 柒分 陳皮 叁分 黃芩 遠志 各捌分
竹葉 拾片 生地 壹錢伍分 姜棗

水煎煩渴加竹茹 壹錢 有痰加竹瀝半盞 姜汁半匙 脾胃

瀉去棗仁地黃

十孕婦腿膝發腫氣促滿悶不舒或指腫水出蓋脾主四

肢脾氣虛弱不能製水而發腫肺腎少氣而氣促滿悶

名曰子氣宜服補中健脾湯虛人服天仙散必加入參

歸朮方可用天仙藤散 消腫治水

天仙藤 卽青木香 洗略炒 香附 各陸分 陳皮 紫蘇 各肆分 甘草 叁分

烏藥 柒分 木瓜 壹錢 姜皮 叁分 水煎虛人加入參 壹錢 白朮 貳錢 當

會廣人主要旨 卷二 三



歸錢加脾胃虛弱兼服補中益氣湯見前胎動不安

十一孕婦口噤項強手足攣縮言語蹇澁痰涎壅盛不省

人事不可作中風治宜用羚羊角散如無痰言語如常

但見似中風症多因血燥類風切不可一概作中風治

誤人事也可服加味羚羊角散開噤消痰

羚羊角壹錢川芎捌分棗仁炒壹錢五加皮捌分苳仁捌分防風

伍分川芎柒分當歸貳錢茯神捌分杏仁去皮尖十粒木香貳分甘草肆分

姜水煎虛加人參壹錢痰加竹瀝半盞姜汁半匙脾胃弱

加白朮貳錢伍分

十二孕婦小便澁少或成淋瀝名曰子淋可服加味安



榮飲通便止淋

人參 白朮 當歸 麥冬各貳錢 茯苓皮 通草

草各壹錢 燈心伍分 若有痰侵肺金加黃芩柒分

十三孕婦咳嗽屬風屬寒可服甯肺散止咳祛寒

十天冬各壹錢 知母各壹錢 桔梗 紫蘇 甘草各伍分 寒嗽加杏

仁十枚 桑皮捌分 廣橘紅肆分 竹瀝姜汁熱嗽加黃芩捌分 虛嗽

加紫苑壹錢 欵冬陸分 夜喘嗽加麻黃肆分 虛損嗽加瓜萸壹錢

竹瀝姜汁心胃不舒加貝母壹錢 百合壹錢

又方嗽不止胎不安

杏仁貳錢 甘草肆分 紫苑壹錢 桑皮壹錢伍分 桔梗捌分 天冬壹錢伍分 水



南京中医药大学图书馆版权所有

煎服

十四孕婦霍亂吐瀉心煩腹痛宜服

六和湯

止吐祛煩

陳皮

藿香

甘草

各肆分

半夏

朱分

杏仁

拾粒

竹茹

木瓜

各壹

扁豆

貳錢

砂仁

伍分

人參

壹錢

茯苓

捌分

姜棗水煎

次服

丹溪安胎飲

見前

十五孕婦熱病嘔吐不食胸中煩燥宜服蘆根散

止嘔卻燥

葛根

蘆根

人參

麥冬

知母

梔子

竹茹

各壹

錢

葱白

叁寸

十六孕婦熱病痲出赤黑色小便如血氣欲絕胎欲落宜

服青胎飲

退熱回生



梔子

黃芩

升麻

各壹錢

青黛

捌分

豆豉

肆拾粒

生地

貳錢

仁拾粒

石膏

壹錢伍分

葱白

柒寸

十七孕婦熱痛骨節疼不急治卽落胎

葛根

捌分

石膏

貳錢

前胡

捌分

青黛

水飛淨壹錢伍分

有痰加竹瀝

酒盞姜汁半匙

十八孕婦患吐衄血或因破傷失血驀然口噤項強背直

類中風症宜服安胎飲

人參

參錢

當歸

白朮

熟地

天麻

各貳錢

麥冬

壹錢

陳皮

甘草

條芩

防風

荆芥

各肆分



甘草 芍药 防风 羌活 独活 桑寄生 杜仲 续断 狗脊 骨木瓜 薏苡仁 威灵仙 秦艽 防风 羌活 独活 桑寄生 杜仲 续断 狗脊 骨木瓜 薏苡仁 威灵仙 秦艽

人参 当归 熟地 白芍 川芎 天麻 羌活 独活 桑寄生 杜仲 续断 狗脊 骨木瓜 薏苡仁 威灵仙 秦艽

眩中 风 最 宜 此 方 治 凡 患 此 症 者 宜 服 之 效 如 神 也

十八 年 誠 患 此 症 血 运 因 此 虧 夫 血 蒸 蒸 口 熱 乾 乾 舌 黃 而

醇 益 姜 骨 半 瓶 吐 石 食 胸 中 煩 燥 宜 服 此 方 效 如 神 也

葛 根 升 麻 羌 活 獨 活 桑 寄 生 杜 仲 續 斷 狗 脊 骨 木 瓜 薏 苡 仁 威 靈 仙 秦 艽

十 年 患 此 症 骨 節 痠 木 涼 宜 服 此 方 效 如 神 也

二 合 不 膏 壹 錢 蒸 肉 米 小 便 如 血 氣 欲 絕 宜 服 此 方 效 如 神 也

附 子 黃 芩 代 麻 青 黛 豆 蔻 生 地 黃 杏



增廣大生要旨卷三

上海唐千頃桐園氏纂著

婁縣葉 灝雅卿氏增訂

臨盆

總論

婦人生產乃造化自然之理俗所謂瓜熟蒂落原屬平常
易事毋庸驚疑然竟有難產者皆因娠妊之後不知培
養之道犯禁忌於平時及至臨期但急催生而用力太
早以致橫生逆生種種難產傷害母子或在頃刻或遲
月日可不畏乎所以胎前保護不可不講而臨盆坐草



亦宜究心焉

早六字真言 附或問
七條

一字曰睡將產時須要調養心神愛惜氣力若能上牀閉目安睡片時最好若不能睡暫時起身或扶人緩行或倚桌站立痛若稍緩又上牀安睡總以睡為第一妙法但宜仰睡使腹中寬舒小兒易於轉動且大人睡下小兒亦睡下轉身更不費力

二字曰忍痛若腹中痛且令扶行或痛或止尚痛得慢名曰弄胎非正產也凡腹痛腰不痛者未產腰痛腹不痛者未產不可使穩婆試手探亦不可屈腰眠臥直至腰



腹齊痛甚緊一陣不住連痛三五七陣時時眼中如見
火光此真欲產也自然易生若痛陣未急又須扶策徐
行起若艱難卽憑物立切勿不耐腹痛坐草太早以致
難產 或問忍痛過久恐有不妙曰最妙從未有私胎
而難產者蓋私胎怕人知覺只得極力忍痛忍到沒柰
何時子自脫然而下此理甚明有何疑慮

三字曰慢臨盆將產時切不可輕易臨盆尚告憲言憲言
說孩兒頭已在此以致用力太早誤盡大事此乃天地
自然之理若當其時小兒自會尋路鑽出何須着急從
來瓜熟蒂落水到渠成自然而然而不待勉強及至生下

卽產母亦不知其所以然也

或問大便亦須用力如何生產不須用力要知大便是屎物必須人力小兒自會運動不但不必用力卻又切忌用力蓋小兒在母腹中要聽其慢慢轉身尋到產門而向下腳向上倒懸而出若小兒未曾轉身用力一遍則腳先出轉身未定時用力一遍則橫臥腹中一手先出卽或轉身向下生路未正用力略早亦偏在一邊不得出種種弊病皆是時候未到誤於用力之故卽如大便未到糞門縱然用力亦不能出而况於生產乎

或問如何方是用力之時答曰若小兒逼到產門則產母

交骨分開胸中陷下腰腹重墜異常大小便一齊俱急
目中金花亂閃真其時矣當於此時用力一迸小兒誕
生便稱恭喜矣

或問早一時斷不可動矣不知遲了一時可不妨否答曰
不妨若果當其時必無不出之理卽或有不出者此是
小兒力乏不能卽出但令產婦上牀安睡使小兒在腹
中亦得安睡歇力片時自然生矣

或問臨期有經驗丸丹亦可用否曰不用大凡生產自有
時候時至自生何須用藥未到時候切不可早用催藥
強其速生使兒不能轉胞反致橫生倒生如欲用藥須

待腰腹痛急胞水與血水俱下真正是將產時候始可用藥順勢推之藥亦只須用加味芎歸湯佛手散蓋胎前要血足血一足如舟得水何患不行特恐產母血少又或胞漿早破以致乾澁耳今二方俱大用芎歸使宿血頓去新血驟生隨手見效且使產時快便則產後無病其飲耗氣損血等藥雖極靈應總之有礙昔陳氏妻生產九日不下僅存一息叩醫求免腦丸問之曰頭逼產門不得出醫令安臥卽與加味芎歸湯明日生下母子兩全設與催藥反或有悞按此係產母用力太早逼令橫在腹中耳豈有倒懸十日而尙得生者乎

或問穩婆總究該用否曰既有此輩亦不可不用但要全
憑自家作主不可聽命於彼耳大抵此等人多愚蠢不
明道理一進門來不問遲早便令坐草用力必定說孩
頭已在此或揉腰擦肚或手入產門探摸多致殞命更
有狡惡之輩不肯安靜故作哎呀之聲以逞其能欲索
重謝以致產母驚疑害尤不可言按吳越間謂之穩婆
江淮間謂之收生婆徽甯間謂之接生婆因其年老慣
熟使之接兒落地收生上牀耳原非要他動手也每見
富貴之家預將穩婆畱住及到臨時稍不快便前門後
戶引到無數紛紛攘攘鬧成一片所謂天下本無事庸

人自擾之

昔張氏妻年輕體壯每孕必八箇月而產每產必數月
而下生女必週而歿一醫曰日後臨產可相聞明年又
入箇月而產三日不下僅存殘喘忽憶醫言飛輿迎視
診之脈未離經穩婆在傍曰兒頭已抵產門不得出耳
醫急令安臥且戒勿擾與安胎藥明晨主人出謝問夜
來若何主人曰想是試胎今已安好後百三十日計十
二箇月足生男且少病多壽始知從前皆生採取出因
產婦體壯年輕幸全性命耳

或曰催藥不可亂投穩婆不可輕信已聞教矣若先時悞

於用力以致橫生倒產奈何曰急令安睡用大劑加味

芎歸湯服之略用手法自然生矣手法見後十產論

六十產論

凡生產先知此十症庶母子兩命皆得保全世之業收生者宜知此庶不害人娠妊之家宜知此庶不自害

一曰橫生因兒身方轉產母用力太早逼令兒身不正先

露手臂但今產母安然仰臥穩婆以手徐推兒臂令上

復以中指探兒肩弗使臍帶絆繫待兒身轉正頭對產

門即生

二曰倒生因兒未及轉身產母努力一迸故先露足亦令



二產母安然仰臥穩婆以手徐推足入靜候片時俟兒身

轉正近門卽生 但見兒手足略有出意卽令產母寬

心仰臥輕輕送入弗令多出蓋出少則易入未久則易

入如出多而久則手足青硬子必受傷難以扶入切不可

可聽信穩婆用刀斷兒手足手足一斷則必亂擾腹中

兩命俱傷矣 昔一產婦用力太早兒手出不得入穩

婆礪及以須其翁商之於子聞之惻然遂急令安臥與

大劑芎歸湯以鹽半分塗小兒手心以香油抹兒滿手

輕輕推入明日生下母子皆安右臂紫黑數月始消鹽主

收縮且盤人痛兒手得鹽則痛而縮進自然轉身生下足先出者亦如此法



或問橫生倒產此皆用力太早之故世間亦有未曾用力而多難產者何也答曰或因母體本弱血氣虛損胎養不足或因病傷寒之後熱甚損胎亦或孕後不戒房事以致慾火傷胎又或多食椒姜炒炙等物熱毒傷胎以及跌撲損傷等症皆致難產藥用加味芎歸湯佛手散三日偏產因兒雖已轉身但生路未正被母用力逼兒頭偏一邊雖露頂非頂也額角耳令母仰臥穩婆輕手扶正頭頂卽生又有兒頂後骨偏住穀道旁露其額者令穩婆以縣衣烘溫裹手於穀道外邊輕推兒頭令正

卽生

四曰礙產因兒轉身時母用力太早致兒臍帶絆肩雖兒
生已正門路已順兒頭已露猶不能生令產母仰臥
婆輕輕推兒向上以中指按兒肩撥下臍帶候兒正順
卽生

五日坐產因兒將產其母疲倦久坐椅褥抵其生路須用
手巾一條拴繫高處令母以手攀之輕輕屈足作坐狀

產戶舒張兒卽生下

六曰盤腸產因產母平日氣虛及臨產時用力努掙周身
氣血下注以致腸隨兒下一次如此下次路熟亦必如

此治法以潔淨不破損漆器盛之待兒胞衣俱下產母



仰臥自己吸氣上升穩婆以香油塗手徐徐送入

方用蓖麻子四十九粒研爛塗產母頭頂腸收上急洗

去 一法以生半夏為末搐鼻中其腸自上 又法以

醋半盞水七分調和喫產母面每喫一縮三噴收盡

若用此法恐產母受驚氣散反有不便 又法濃煎黃芪湯浸之 其腸

若乾以磨刀水少許溫潤之再用磁石煎湯服之即收

上磁石須寬能吸鐵者 又方大紙撚麻油潤之點火吹息以煙

薰產婦鼻中腸即上此方最平善可用

七日凍產冬月嚴寒被衾單薄下部受凍以致血冷凝滯

骨骱產戶堅收兒不能即生速以芎歸湯加炮姜或肉



桂與服衣服宜厚產室宜煖下體更宜溫厚但火氣不可太熱恐致血暈

一法以紫蘇煎湯薰洗大抵嚴寒時產久傷冷氣血必凝用薰洗之法甚妙坐草太早去

被良久常有此患慎之

八日熱產夏月酷暑產室人多熱氣逼蒸使產母熱傷氣分頭疼面赤昏昏如醉氣乏不能產下宜服六一散室中須置井水若涼臺水閣以及狂風陰雨更當謹避總之產婦當溫涼得中爲妙

九日驚產或因少婦初次生產或因向來難產臨期恐懼以致氣結不行兒不卽下紫蘇飲最妙或用紫蘇一錢

當歸三錢長流水煎服名舒鬱湯

十日傷產懷胎未足月有所傷動以致臍腹疼痛忽然欲

產或妄服催藥逼兒速生如此生息未必無傷慎之

胞衣先破其故有二一因母弱氣血虛胞衣薄兒身轉動

隨觸而破一因兒身未轉坐草早用力狠以致胞破胞

破久水血乾產路澁兒難下急用大劑加味芎歸湯加

熟蜜一兩助氣而兼潤滑自當順下又法濃煎葱湯

薰洗產戶卽下或以黃芪當歸勛許以大釜煎之使藥

氣充滿一室產母鼻口俱受其氣亦良法也此法冬月最宜春秋

亦可若夏月醋又有胞衣先破被風所吹以致產戶



腫脹乾澀狹小者亦莫妙於濃煎葱薑洗再服加味芎歸湯
又有狡滑穩婆意欲害人私以手指掐破胞衣極要關防

臨期難產敗血凝滯不能生下者芎歸湯加牛膝瞿麥

之卽產昔醫宿客店值店婦生產數日不下下體冷

甚急令以椒橙茱萸等煎濃湯薰洗臍腹產門等處氣

滯血行遂產

產期未至不可令扶產人早抱腰恐兒難轉身

臨產暈絕

臨產兒未生下忽然暈絕者此因痛極氣悶急用生半夏



爲末飯丸如豆大納鼻中卽醒

此扁鵲法

交骨不開

臨產交骨不開有鎖骨者有元氣素弱胎前又失於調養

以致氣血不能運達而然也用加味芎歸湯無不立驗

外法令穩婆以麻油調滑石末塗入產門

加味芎歸湯

當歸 川芎 各壹兩 敗龜板 一箇酥炙或童便炙 血餘炭

壹錢 伍分 水煎服約人行五里卽生如死胎亦下 體虛者川芎只用叁錢

錢

胎死腹中



臨產腹中胎死或觸損傷或犯禁忌或因胎氣薄弱不成
而殞至於臨盆太早胞漿先破胎血乾涸而死者更
只宜佛手散加味芎歸湯服之自下若不下再用當歸
一兩厚朴陳皮各二錢酒水各半煎好加朴硝一錢能
令化下極易如或不便服藥但令產母不要慌忙逼迫
亦遲遲生下定不傷母慎弗亂用奇方并聽究惡穩婆
致傷兩命

或問何以知其胎死曰面赤舌青母活子死面青舌赤口
中沫出子活母亡面舌俱青口邊沫出子母俱死且死
胎冷墜脹痛或爲嘔惡或穢氣上衝與好胎不同 薛

立齋云下死胎平胃散加朴硝最妙方用厚朴蒼朮陳皮各二錢甘草五分朴硝五錢水煎服

胎死不出及胞衣不下產後諸疾狼狽者刺羊血熱飲

小盃極效

聖惠方

只胞衣不下

胞衣不下亦是臨盆太早之故當產時骨節開張壯者數日而合怯者彌月而合今不待其開而強出之故胎出而骨眼隨閉以致胞出不及耳如遇此症用佛手散加牛膝瞿麥各二錢滑石一錢水煎服自下

若敗血流八胞中胞即脹大不得下治之稍緩脹滿腹中



上衝心胞疼痛喘急宜急斷臍帶使其子血脈不潮入胞中但此帶極脆宜以軟絹裹之用心拿定然後斷之否則胞上掩心立至危殆宜急服牛膝湯或佛手散逐去胞中敗血卽時墜下只要產母安心自無患害切不可輕信穩婆妄用手法多致危亡也

兒旣脫胞帶心下墜胞在腹中形如仰葉仰則盛聚血水脹礙難出惟得老成有識穩婆以手指頂其胞底使血不畱聚或以指摸上口扳開一角使惡露傾瀉則中空自落矣

其有氣血疲弱不能傳送而不出者產母但覺乏力別無



脹痛又當補氣助血宜加味芎歸湯不可亂投方藥
或將產母頭髮吊起急以髮稍探母喉中一嘔卽下

臨產宜忌

臨產時只宜老成二三人安靜伺候切不可多人一切親
屬婦女勿令入房若多一人卽多一時遲延孝服穢濁
人尤當避忌 夏月更不宜多人熱氣擁盛能令產母
煩躁發暈其害非小

穩婆只宜一人入房不可多喚反致混鬧有悞 凡用穩
婆須擇老成忠厚者預先囑託及至臨盆務必從容安
靜千金日復半覺痛日中則生可知時至自然分娩不

得用法催逼

在房伺候者總宜安靜不可多言令產婦穩睡爲妙第二
要勸其安心忍痛歇息切忌房中大驚小怪交頭接耳
咨嗟歎息及求神許愿皆能令產母憂疑擾亂以致悞

事

最忌曲身眠臥產母畏痛不肯直身行動以致胎轉不順
將到產門被母曲腰遮閉再轉再閉兒必無力而不能
動決定難產人見其不動卽謂胎死實因無力非死也
此時任有妙藥亦不能助兒有力而動只要產母心安
氣和息養片時自然生下切忌驚憂躁急蓋驚則氣亂

憂則氣結躁則氣逆惡血止冲多致悶絕

天時寒冷產母衣裳宜厚被褥宜溫胸背更宜和煖房中宜多設火盆辟除寒氣否則氣凝寒滯兒難送下

盛暑之月產室須要清涼熱甚則產母頭疼面赤必致昏暈宜多備井水以收熱氣須頻頻換之若遇疾風陰雨又當謹避

或有兒生不順與雙胎難出以及恠胎不必驚慌自然生下總要穩婆多方安慰能不令產母聞知更妙倘若驚慌則愈難生下

臨產以進食爲本此時心內憂疑腹內疼痛甚至精神疲



倦口中失味全要美味調養倘不能食鷄鴨脂肺清湯

宜頻頻與之 宜時食稠膩米粥令弗饑渴以致乏

更不宜食冷硬難化之物

產時捏產母中指若中節跳動方真是產候

臨產腰痛甚急兒逼產門方可坐草

臨產方藥

紫酒 治孕婦腰痛如折

黑料豆 貳合 炒焦 白酒 壹碗 煎至七分空心服如不善飲酒者

水煎服藥後隨飲酒一二口以助藥力

保產無憂散 見二卷第 三十四頁



佛手散 妊娠六七月後或跌撲傷胎或胎死腹中疼痛

不已口噤昏悶或心腹飽滿血上衝心者服之生胎即

安死胎即下又治橫生倒生及產後腹痛發熱頭疼逐

散血生新血并除諸病

當歸伍錢 川芎叁錢 水七分酒三分煎服

臨產方 臨盆將產服此最妙屢試屢驗

當歸壹兩 枳殼壹錢 麩炒 川芎叁錢 益母叁錢 黃芪伍錢 水煎服

催生神柞飲 婦人臨產服之活血逐瘀可保萬全不拘

橫生倒生胎爛腹中脹悶及少婦交骨不開用之屢效

生柞枝貳兩 洗剉 甘草伍錢 水二碗煎一碗服



又方 少婦初產交骨不開或因臨盆太早用力催逼兒

橫腹內諸藥無效此方百發百中實救急之良劑也

生柞枝洗益母草各壹兩川芎叁錢當歸伍錢人參叁分水三碗

煎一碗溫服

產婦須仰臥片時待藥力一到交骨自開兒身自正然

後扶起臨盆脫然而生全不費力矣 方用柞枝取其

滑澤益母動血活血芎歸養血調氣人參接養母力更

兼安心靜臥使藥力通達自必脫然而產矣

八珍湯產科心法 治交骨不開而血水去多胞中子腸乾澀

者



人參 白朮土炒 茯苓 白芍 川芎各壹錢 炙草分熟地

叁錢 當歸伍錢 姜棗水煎服 或加丹參叁錢 乳香去油須淨伍分

益母草貳錢 寒天加炮姜壹錢 嘔吐加生姜砂仁如胎上通

加淮牛膝叁錢

附產科心法載難產醫案

昔龐安治產七日不下諸治莫效龐令其家作湯溫其腰

腹自以手上下與之附摩孕婦覺腸痛甚少間生一子

問其故曰兒已出胞因手執母腸不能出我為隔腹捫

兒手潛針之無他術也視兒右手虎口果有針痕

又婦坐草早恐懼氣結不下蓋恐則氣結而精神怯上焦



閉下焦腹脹用紫蘇飲

方見二卷子懸

卽生

滑伯仁治七日不產且食少用涼粥一盃搗楓葉煎湯調

飲旋產

楓葉先生者先落用是意也

吳菱山見產三日不下以車前子爲君冬葵子爲臣枳殼

炒白芷爲佐服下立產

高賓治劉姓婦產不出而死臨殮見其貌不似死者斯時

天寒異常知是凍產必由血冷凝滯不行卽合用紅花

濃煎湯懸醮乘滾盪於腹上再用熱湯薰洗而甦甦後

隨產一子無恙

予治錢氏婦產難用佛手散加炮姜再用薛立齋法取路



旁草鞋一雙以鼻絡小繩燒灰酒調和服片時卽產

又許衛中妻產難三四日不能下穩婆欲用拆胎之法子

曰不可設胎未傷而用刃必負痛上衝於心豈不兩命

俱喪縱使胎死不下子自有藥下之乃令穩婆出隨用

佛手散加炮姜二錢厚朴一錢煎服時已初更至半夜

而產其胎雖為穩婆動手所傷而產母無恙此亦冬寒

血冷之故也

又于勝元五日產不下用四物湯方見二卷漏胎加倍進之不應

因思胞水慮乾再進八珍湯方見醫案前助其氣血更煎湯

薰洗陰戶而產此皆在浙時略記之餘惟用保產無



會廣... 三五... 卷三

左

憂散及佛手散應驗者多不及多載諸書催生方頗多緣恐方愈多而用者心愈亂故不繁載

至於安產婦臥房雖有其說亦不必盡信思小戶之家無處可移亦要生子也

加味益母丸 出家傳胎產各方 孕婦諸症並宜服之

益母草 肆兩 白朮 壹兩 條芩 捌錢 其為未煉蜜丸彈子大清湯

送下一丸 作細丸亦可 孕內常服甚好多氣加木香 叁錢 弱人

煎安胎飲送下胸腹不舒加紫蘇陳皮 各貳錢



附胎產靈符

是書將付剞劂適友人以胎產靈符見示云自天師府傳來屢著靈驗已救活多人因并附於三卷之末

諸世特非至危至險不可輕用恐

褻瀆神明反致不虞也葉灝識

原序 達生編一書流傳久矣其所以保育嬰孩安全

產母者厥功甚偉願第論生產之常而未有起死回生

之術也夫男女構精萬物化醇此亦天地自然之生理

安有橫逆之虞而如近世有先出一手者俗名討鹽生

先出一足者俗名踏蓮生是皆用力太早小兒於腹中

尚未轉身何討鹽踏蓮之有故達生編以產母安睡為

第一要訣然使一遇此等遂致產母心驚旁人意亂穩

婆從而動手稍有不慎倉猝釀成變故良可慨也此符

傳自天師府靈驗頗著余所日親者如某廚妻產兩日

不下命瀕於危友人聞而書紫光一符以貼之復書一

符以飲之頃刻之間竟得分娩母子無恙謂非起死回

生者歟亦大奇矣夫神靈所賦原在可解不可解之間

如此符之靈異設千百而遇一則活一人千百而遇十

則活十人是足以補達生編之所未逮而功亦甚偉也



因付劓劓以廣流傳
而爲之述其緣起云

咸豐八年歲次戊午孟陬月

穀旦

附錄靈符

Vertical columns of faded text, likely bleed-through from the reverse side of the page. The text is mostly illegible due to fading and bleed-through.



北京中醫藥大學圖書館版權所有

凡例

一 偏隅鄉曲有此符木片刻可以救人實屬一片婆心
當奉爲至寶

一 難產之家只須用紫光一符已立見效後三符自可
弗用存之以備十分艱險者

一 此符爲難產而設不可心存欲速貪圖痛少輕易用
之

一 鄉人或婦女看不明白請人代書不可錯誤不可受
謝以致不靈反延時刻此代書者之罪過

一 此係符咒須安潔淨處慎勿穢褻惟書寫時葷素不



忌

倘有好善君子翻刻廣布須校對無訛方徵信驗
所用緊要關頭故不憚詳說



南京中醫藥大學圖書館版權所有

胎產靈符

安胎符

五龍吐水

鐵筆一下萬水不流

龍

速與安胎

止

縮谷道緊閉一身

右安胎符止字一小豎由下剔上小字均照寫亦在符

內下文尚有符膽

靈

救苦

靈

長生

靈

解厄

靈

以上四字連小字是膽蓋在龔字上面重疊寫上即成

一片墨亦可但不可寫錯本日寫即本日服不可隔夜



不可受謝此符凡孕婦胎動無論幾月皆可化服其化
服之法先點一燈以清茶大半杯左手擎茶右手將符
近燈化入茶面須順放下符灰不可撥亂連口吞下即
安

催生符

我從賢聖法來未曾殺生

以上十字用淨硃新筆紅紙書好貼在孕婦臥牀對面
或牆或板再令產婦默念此十字至半字則出聲此經

驗符云

半即生字

催生屢驗方



紫光夫人在此


上六字用無礬黃紙潤一寸長三寸用硃砂新筆朝東
方寫貼在孕婦牀頭

紫光夫人命赦

上六字亦用黃紙照前寫用開水化服符灰不可攪碎
服之立產產後卽將牀頭所貼一條用元寶一提當天
謝送不可忘記遲則生腸立出切記切記此符靈驗異
常不可輕用如實係難產虔心書服自得母子俱安

催生萬全符三道

此符三道每一道用煖茶大半杯將符化灰在茶面上

符灰不可撥碎服如安胎符法但每道有二張第一道
宜先化龔字張隨化晷字張服之爲一道第二道先
化明字張隨化字張服之爲二道不可顛倒第
道止一張則無分先後矣服第一道後待一二刻若小
兒未下再服第二道再待一二刻服第三道倘有橫生
逆產或先出一手一足之類不必驚恐慢慢將手足托
回裏面將符按次化服無論生死胎立即便下用時須
本日書本日服不得隔夜隔夜則不效矣符放潔淨處
倘可不用則當空焚化可也

第一道第一張



龍水

五龍吐水

速與催生

牛

蹙爽無凝滯十月

懷胎滿與送下

馬

猛馬四張穿山破石

歛火冲

第一道第二張

替弄大聖北斗七元君能解產生厄上工十

骨鎖開

是男是女速生來

右符第一道用無礬黃紙濶四分長五寸潔淨筆墨書
化服法如前

第二道第一張

日月已成毛髮已成是男是女速生下來把吾符

明
二字母離莫傷母命莫損子身急急如律令救



第二道第二張



以舌黃龍捲動筆池水滿吞下祖宮以身一蹲開

生后存身為產女着力直下存嬰身翻身直下

字落筆由外圈八內一筆直下尚有符膽照寫

錯

靈

救苦

靈

長生

靈

解厄

靈

辟邪

靈

上六字即符膽加在



字上面每寫一字念咒一遍

連小字作一個字隨寫隨念照字重疊寫上成一片墨

不妨



書符咒語

速生來看破應出筆直下是男曲折是女符破有驗

右咒語不可句讀連念可也

第三道是死胎符

蓬騰斬叩暗耳加龜靈靈靈靈靈靈

右死胎符作第三道

